

**STENOGRAM**  
**14. HITNE SJEDNICE SKUPŠTINE KANTONA SARAJEVO**  
**ODRŽANE U UTORAK, 29.12.2020. GODINE,**  
**SA POČETKOM RADA U 10,00 SATI**

Predsjedavajući Elvedin Okerić (u daljem tekstu predsjedavajući):

Otvaram 14. Hitnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade, sve one koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji Službe **ONLINE** sjednici prisustvuje 33 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su zastupnici Mirza Čelik i Haris Pleho.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 24.12.2020. godine utvrdio da postoji osnov za sazivanje Hitne sjednice Skupštine Kantona Sarajevo i odredio termin održavanja iste za dan 29.12.2020. godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit ćemo danas.

Molim zastupnike da predlože tačke za dnevni red današnje sjednice. Uvaženi zastupnik Elmedin Konaković, izvolite.

Poslanik/zastupnik Elmedin Konaković:

Zahvaljujem predsjedavajući. Sve svoje kolegice i kolege srdačno pozdravljam. Želim vam uspješan radi ugodnu radnu atmosferu. Naravno i gledaoce koji putem malih ekrana gledaju prijenos današnje sjednice. Za dnevni red bih predložio nekoliko tačaka u skladu sa dogovorom, naravno sa kolegama.

1. Prijedlog Odluke o privremenom finansiranju potreba Kantona Sarajevo za period od 01.01.2021.godine do 31.03.2021.godine;
2. Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2021.godine do 31.03.2021.godine,
3. Prijedlog Odluke o davanju saglasnosti na Odluku o privremenom finansiranju potreba Javne ustanove „Služba za zapošljavanje Kantona Sarajevo” Sarajevo za period 01.01.2021.godine do 31.03.2021.godine.

Tačka četiri na zahtjev premijera Nenadića:

4. Prijedlog odluke o izmjeni Odluke o osnivanju KJU Porodično savjetovalište i
5. Zaključak o produžavanju moratorija na zapošljavanje u Kantonu Sarajevo.

Hvala predsjedavajući.

Predsjedavajući:

Zahvaljujem zastupniče Konaković. Da li ima još nekih prijedloga? Kolega Damir Nikšić izvolite.

Poslanik/zastupnik Damir Nikšić:

Dobro jutro da li se čujemo? Ja bih predložio tačku 6, jel dolazi do tačke šest. Izvještaj o stanju kvalitete zraka u Sarajevu. Jel se čujemo?

Predsjedavajući:

Čujemo se. To je ta tačka, evidentirali smo. Zahvaljujem se kolegi Nikšiću. Sljedeća prijava zastupnik Damir Marjanović. Izvolite.

Poslanik/zastupnik Damir Marjanović:

Dobar dan svima. Zahvaljujem se predsjedavajući. Pozdravljam sve prisutne i one koji prate ovu sjednicu. Pod tačkom sedam bih zamolio vas predsjedavajući da nas informirate o dosadašnjim aktivnostima vezanim za Odluku Skupštine Kantona Sarajevo a vezano za rješavanje problema

samofinansirajućih studenata koji su ostvarili prosjek preko 8,0. univerzitet u Sarajevu je neke određene obaveza za dostavu podataka, a imamo i neke dodatne informacije za koje mislim da bi trebali da ih prodiskutujemo i da dobijemo informacije o onome šta se dešava na terenu. Hvala velika.

Predsjedavajući:

To bi bilo to što se tiče prijedloga za današnji dnevni red. Dok služba pripremi tačan prijedlog dnevnog reda, sačekat ćemo par minuta pa ćemo pričekati današnji dnevni red.

Shodno naprijed iznesenim prijedlozima Dnevni red 14. Hitne sjednice Skupštine Kantona Sarajevo glasi:

1. Prijedlog Odluke o privremenom finansiranju potreba Kantona Sarajevo za period od 01.01.2021.godine do 31.03.2021.godine;
2. Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2021.godine do 31.03.2021.godine,
3. Prijedlog Odluke o davanju saglasnosti na Odluku o privremenom finansiranju potreba Javne ustanove „Služba za zapošljavanje Kantona Sarajevo” Sarajevo za period 01.01.2021.godine do 31.03.2021.godine.
4. Prijedlog odluke o izmjeni Odluke o osnivanju KJU “Porodično savjetovalište”
5. Informacija o stanju kvalitete zraka u Kantonu Sarajevo,
6. Informacija o realizaciji Zaključka Skupštine Kantona Sarajevo broj:01-04-39939-8/20 od 03.11.2020.godine,
7. Zaključak o produženju moratorija na zapošljavanje u Kantonu Sarajevo.

Ako nije problem da ostane ovakav redoslijed dnevnog reda s obzirom da je Zaključak o produžavanju moratorija bio tačka pet, možemo i promijeniti. Predlagač je li OK da ostane ovako kako sam i pročitao ili da vratimo da bude tačka pet Zaključak o produženju moratorija?

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU DNEVNOG REDA ZA 14. HITNU SJEDNICU SKUPŠTINE KANTONA SARAJEVO.**

Zastupnice i zastupnici pristupite glasanju. Zaključujem glasanje.

**ZA JE GLASALO 32, PROTIV I SUZDRŽANIH NIJE BILO.** Zahvaljujem.

Prelazimo na realizaciju tačke jedan:

**AD – 1.**

**PRIJEDLOG ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01.2021.GODINE DO 31.03.2021.GODINE**

Molim predstavnika Predlagača da podnese uvodne napomene.

Premijer Mario Nenadić:

Poštovani predsjedavajući, zamjenici predsjedavajućeg, gospodo ministri, građani Kantona Sarajevo, prije svega dobro jutro i hvala na prilici da napravim uvodne napomene vezano za Prijedlog odluke o privremenom finansiranju potreba Kantona Sarajevo za period 01.01. do 31.03.2021 godine. Kako se pretpostavlja da Skupština Kantona Sarajevo neće donijeti Budžet Kantona za 21 godinu do 31.12.2020. godine Vlada Kantona Sarajevo predlaže Skupštini da donese Odluku o privremenom finansiranju potreba Kantona za period 01.01.do 31.03.2021. Ustavni osnov sadržan je u članu 18 h) Ustava prema kome Skupština usvaja Budžet Kantona Sarajevo i donosi zakone o oporezivanju i na drugi način osigurava potrebno finansiranje. Zakonski osnov sadržan je za donošenje Odluke o privremenom finansiranju je član 35 i 38. Zakona o Budžetima u FBiH, kojim je propisano da ukoliko Skupština ne donese Budžet prije početka fiskalne godine, privremeno se, na osnovu odluke o privremenom finansiranju nastavlja finansiranje poslova, funkcija i programa korisnika Budžeta. Odluku o privremenom finansiranju donosi Skupština. Privremeno finansiranje obavlja se najduže za prva tri mjeseca fiskalne godine, u ovom slučaju

2021. godine. Privremeno finansiranje obavlja se srazmjerno sredstvima utrošenim u istom periodu najviše do tromjesečnog prosjeka za prethodnu fiskalnu godinu, znači za svakog Budžetskog korisnika koliko je potrošio u periodu od 01.01. do 31.03.2020. godine a najviše do potrošenog tromjesečnog prosjeka za 2020.godinu. Izuzetno od prethodno navedenog mogu se izvršavati rashodi i izdaci iz osnova unutrašnjeg i vanjskog duga do visine stvorenih obaveza, kao i rashodi i izdaci koji se finansiraju iz uplaćenih i prenesenih pomoći, donacija i prihoda za posebne namjene prema odlukama Vlade na prijedlog Budžetskog korisnika. U periodu privremenog finansiranja, finansiraju se isti programi, a korisnici ne smiju povećavati broj zaposlenih u odnosu na stanje na dan 31.12.2020.godine. Budžetski korisnici ne mogu započeti nove ili proširene programe ili aktivnosti dok se ne donese Budžet. Budžet se mora donijeti najkasnije do 31.03.2021.godine. A ko se Budžet ne donese do 31.03 nakon toga se neće izvršavati rashodi u bilo koju svrhu osim otplate duga sve dok se Budžet ne donese. Obzirom da je Prijedlog odluke o privremenom finansiranju potreba Kantona Sarajevo za period od 01.01. do 31.03. veoma kratak dozvolite mi samo da pročitam ta dva člana obzirom da sam uvod pravni Ustavni zakonski osnov već naveo.

#### Član 1

Privremeno finansiranje potreba Kantona Sarajevo za koje se sredstva obezbjeđuju Budžetu Kantona Sarajevo u periodu od 01.01.2021 do 31.03.2021 godine vršit će se srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu godinu.

#### Član .

Ova odluka stupa na snagu narednog dana od dana objavljivanja u "Službenim novima Kantona Sarajevo" a primjenjivat će se od 01.01.2021. godine.

Evo to je kratak uvod vezan za predmetnu tačku a ukoliko bude potreba za određene odgovore ili tumačenja ove odluke, sa nama je danas i kolegica Zejna Avdić sekretar Ministarstva finansija, u odsustvu ministra Halebića da nam pomogne u rješavanju ovog pitanja. Hvala najljepša.

Predsjedavajući:

Zahvaljujemo se premijeru. Da li predstavnici radnih tijela žele riječ? Ima li pitanja? Otvaram raspravu. Uvaženi zastupnik Haris Zahiragić prijava za raspravu. Imate riječ, izvolite.

Poslanik/zastupnik Haris Zahiragić:

Da li se čujemo? Dobro jutro svim građanima Kantona Sarajevo i svim kolegama u Skupštini Kantona Sarajevo. Žao mi je što i dalje radimo online iako je situacija u Kantonu Sarajevo zaista bolja kada je u pitanju epidemiološka situacija. Ali to ćemo kasnije govoriti na nekoj drugoj temi. Kada je u pitanju Odluka o privremenom finansiranju, meni zaista ne mogu a da ne istaknem da je (smetnje) što je novoj skupštinskoj većini bila prioritetnija rekonstrukcija ministarstava i promjena Zakona na onaj način na koji je promijenjen na hitnoj sjednici nego imenovanje Vlade koja je do sada, danas smo, da ste na vrijeme uradili nakon potpisa koje ste predali za smjenu ove Vlade, mogli smo imati danas Budžet. Da je neka uobičajena godina, privremeno finansiranje zaista ne bi bilo problem. Međutim, s obzirom da je godina u kojoj je korona, i u kojoj je privreda Kantona Sarajevo na koljenima, mislio sam da će Budžet ipak biti prioritet jer zaista puno ljudi iz realnog sektora koji pune Budžet očekuju određene vrste pomoći od Kantona Sarajevo. Na žalost sa privremenim finansiranjem i sve dok ono traje takve stvari, takvi projekti će izostati. Ono što me posebno zanima je diskusija sa ranije sjednice, jer kada ste usvajali Zakon kojim se rekonstruisali tj razdvojili jedno Ministarstvo na dva a druga dva spojili, mi smo tada ukazivali na problem da u slučaju privremenog finansiranja, a evo sada ga imamo kao što vidimo na dnevnom redu, neće se moći finansirati uposlenici s tih ministarstava. U tom smislu želio bih da mi premijer odgovori da li po privremenom finansiranju, ja već znam odgovor, da ne mogu se finansirati novi Budžetski korisnici. Dakle to nova Ministarstva koja budu formirana, to će biti nova pravna lica, i kao takva neće moći iti finansirana iz Budžeta. Naravno, ukoliko se neko ne napravi toliko drzak da prekrši sve propise koji uređuju oblast Budžetiranja. S obzirom da se neće moći platiti niti jedna marka na

ta dva ključna važna Ministarstva u kojem je cijela sa komunalna privreda, urbanizam, visoko obrazovanje, srednje obrazovanje, vjerovatno, mislim ne vjerovatno, nego izvjesno je da će biti upitne isplate plata do usvajanja Budžeta. E sada, s obzirom da decembarske plate će se moći izvršiti decembarski troškovi, to bi značilo da bi ste vi u januaru nova skupštinska većina i nova Vlada koja će biti formirana vjerovatno 05. kako je najavljeno, imat ćete 20 dana da donesete Budžet. Mislim da (smetnje) neozbiljan način da ćete za sedam dana morati pripremiti cijeli Budžet sa svim promjenama koje će se evidentno dešavati. Ponavljam mi smo i prošli put upozoravali, molili smo da ne spajate Ministarstva, da ne radite ovo i sada (smetnje) sve to nekako ubrzano ako uopšte uspijete. To nije (nerazumljivo) moguće naravno ukoliko dozvoli predsjedavajući i odgovorim na diskusiju nisu pitanja a i vi kod god je predlagatelj tačke da mi odgovori kako misli finansirati plate u tim novim ministarstvima. Ne želim širiti paniku među zaposlenicima u Kantonu Sarajevo, u komunalnoj privredi i u obrazovanju, međutim tako propisuje Zakon. Da novi Budžetski korisnici ne mogu biti finansirani u periodu, uopšte nemaju svoj razdjel u Budžetu prošlogodišnjeg na osnovu kojeg mi sada donosimo odluku o privremenom finansiranju. Eto toliko, hvala.

Predsjedavajući:

Zahvaljujem kolega Zahiragiću. Replika zastupnik Konaković.

Poslanik/zastupnik Elmedin Konaković:

09.10. je nova skupštinska većina podnijela zahtjev za smjenu Vlade koja nosi zasluženno ime "Petak 13". proces smjene Vlade traje dva i po mjeseca. Dva mjeseca u nekim rekordnim rokovima bez ikakvih komplikacija. Kao što smo to od početka govorili, kao što smo to govorili u decembru kada ste preko koljena htjeli mijenjati Vladu na hitnim sjednicama o kojima tada Kolegij nije ni odlučivao. Nemoguće je bilo promijeniti Vladu do 25.12. ukoliko želite da poštuju procedure koje je propisao Poslovnik Skupštine Kantona Sarajevo.

Predsjedavajući:

Oprostite kolega Konakoviću, ispravka krivog navoda zastupnik Zahiragić.

Poslanik/zastupnik Elmedin Konaković:

Apsolutno ne stoji. Dakle još jednom 09.10. je podnesen zahtjev. Zašto ova Vlada nije radila svoj posao.

Predsjedavajući.

Oprostite kolega Konakoviću, čujete li me? Ispravka krivog navoda zastupnik Zahiragić. Ne znam da li ste me čuli?

Poslanik/zastupnik Elmedin Konaković.

Nisam. Sada čujem.

Poslanik/zastupnik Haris Zahiragić:

Hvala uvaženi predsjedavajući. Da li se čujemo? Uvaženi kolega Konaković (smetnje) možete

Predsjedavajući.

Sada vas ništa ne čujemo kolega Zahiragiću. Kolega Zahiragiću. Molim vas čujete li me? Pokušajte isključiti kameru, slabo vas čujemo u prekidima, isključite kameru, pokušajte. Možete nastaviti.

Poslanik/zastupnik Haris Zahiragić:

Želio sam ispraviti kolegu Konakovića to što je on kazao Vlada "Petak 13" je naravno njegov kolokvijalni govor, međutim on mene ne obavezuje, tako da ja zaista ne znam šta je Vlada "Petak 13". to je Vlada Kantona Sarajevo. Druga stvar kaže smijenili ste, ja nikoga nisam smijenio. Ovo je moja tek treća sjednica Kantona Sarajevo i ne želim da kada se meni obraća se referiše na nešto što je bilo prije nego što sam ja tu došao. I treća stvar, vrlo bitna da se na vrijeme, da ste u najbržim

mogućim rokovima radili nije istina da se do sada mogao usvojiti Budžet. I četvrta stvar molio bih kolegu Konakovića da uz dužno poštovanje ne koristi takve izraze "Petak 13" i slične. Vidjeli smo jučer i prekjucher da je u živom programu RTRS generala Armije kazao da su ga uneredili, i tako. Taj kolokvijalni govor možda jeste dobro zvuči, međutim molio bih da budemo pošteđeni u Skupštini Kantona Sarajevo takvog govora. Hvala.

Predsjedavajući:

Zahvaljuje. Kolega Konaković možete nastaviti.

Poslanik/zastupnik Elmedin Konaković:

Meni je samo žao što vama samo prije nisu sklonili ovo četvero prije izbora da vi nama dođete u Skupštini. Ali sada ste nam svakako dobro došli. To je Vlada "Petak 13" tako je naziva šira javnost bh, a kada kažem vi, mislim na SDA. Osim ako se vi tako ne osjećate kolega Zahiragić. Ako se ne osjećate SDA to je vaše pravo. Dakle, 09.10. smo predali zahtjev za smjenu Vlade. I procedura je trajala onoliko koliko propisi kažu. Naravno da je mogao biti usvojen Budžet da je ova Vlada "Petak 13" radila svoj posao bez obzira na političke okolnosti. Ministar iz SDA Halebić, kojeg danas vidim nema, sa svojim saradnicima koji su vrhunski odlični, pripremio nacrt Budžeta, koji je mogao dati u raspravu. Onako kako smo radili i prije. Naravno da je mogao biti Budžet. To je tako. E sada to što ste vi unijeli dinamiku u rad uspavanog kluba svih ovih ostalih zastupnika SDA koji očigledno ništa nisu valjali, dok vi niste došli kolega Zahiragiću, to je pravo vašeg predsjednika i to što vi danas radite je vaše pravo. Ali vi ne možete ovdje izvrtati istinu. Dakle nije bilo moguće smijeniti Vladu osim ako ne poštuju procedure onako kako vi ne poštuju procedure, vi u SDA. Oprostite što se i vama gospodine Zahiragiću obraćam, ako se ne osjećate SDA. Dakle to što ste vi nama nabrojali još je jedna u nizu grešaka ove Vlade koja nije dobro radila svoj posao. Da su pripremili nacrt, održali javnu raspravu onako kako Zakon o Budžetima kaže. Po Zakonu su bili dužni u septembru, bili dužni, tako Zakon govori. Bili dužni iz Ministarstva finansija da nam proslijede draft, nacrt Budžeta i proslijede ga u dalju proceduru a nisu uradili. Zašto, vjerovatno ćemo o tome raspravljati i danas ali i narednih dana. I to što vi pokušavate spinovati šta znači unerediti nekoga u sportskom smislu i žargonu je eto ta dinamika koju ste vi nama unijeli u skupštinsku salu. I dobro vi nama takvi došli kolega Zahiragiću. Razmišljam da vam u budućnosti od svojih 10 ili 15 minuta poklonim još koji minut da nam vi što više govorite.

Predsjedavajući:

Zahvaljujem kolega Konakoviću. Zastupnik Haris Zahiragić ispravka krivog navoda.

Poslanik/zastupnik Haris Zahiragić:

Da li se čujemo uvaženi predsjedavajući? Prije svega morao bih ispraviti naravno ja nisam uopšte rekao da se ja ne osjećam kao SDA, nego kada govorite o potezima ranijim koji su se dešavali u Skupštini i Vladi, ne može mene staviti u množinu jer ja u njima učestvovao za razliku od gospodina Konakovića, koji je 12 godina najaktivnije učestvovao u svim procesima, tako da može sa sobom diskutirati a sa mnom ne može. Dalje, kada kaže da bi on meni dao 10 ili 15 minuta da on voli da ja govorim, ne bih se baš složio. Na prošloj Skupštini je pokazao koliko on volio da ja govorim (smetnje) ljudi spremni ići nisko u pokušajima ličnih diskreditacija mene. I najbitniji razlog zašto sam se javio jeste to da gospodin Konaković iako deklarativno stalno govori da cijeni gospodina Nenadića, da su to dobri momci, a paralelno s tim govori da su oni nešto blokirali. Ta Vlada (smetnja) morate biti iskreni je ipak pripremila ovu odluku o privremenom finansiranju. Prvo je dala ostavku, zatim je predsjedavajući dao ostavku, i Vlada koja već dugo moli da imenujete novu Vladu vam je pripremila ove tačke dnevnog reda i zadnje što su zaslužili jeste da govorite da su oni vas blokirali. Mislim da bi trebali barem imati taj nivo političke kulture. I na kraju, gospodine Konakoviću, kada je u pitanju to moje spinovanje, (smetnje) ja vam savjetujem na dubinu odnosa i dobre odnose koje smo ja i vi zaista dugo godina imali opet vam prijateljski savjetujem nemojte odbijati svaku vrstu kritike, nemojte biti uporni u vrijeđanju ljudi, u korištenju jezika koji ne pripada Skupštini i vama kao jednom političaru koji pokušavate biti ozbiljan političar, nego

prihvatite kritiku. Sve dok ne prihvatate kritiku i dok prebacujete na mene krivnju za vaše riječi koje su vrlo nekulturne nećete zaista moći napraviti taj iskorak koji toliko jako želite. Hvala.

Predsjedavajući:

Zahvaljujem kolega Zahiragiću. Jel ovo možemo smatrati i replikom s obzirom da ste se za repliku prijavili?

Poslanik/zastupnik Haris Zahiragić.

Možete, možete.

Predsjedavajući:

Hvala zahvaljujem. S obzirom da nema više prijavljenih zaključujem raspravu. MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01.2021.GODINE DO 31.03.2021.GODINE.

Molim zastupnice i zastupnike da glasaju u Viber grupi. Zaključujem glasanje.

ZA JE GLASALO 32 ZASTUPNIKA, PROTIV I SUZDRŽANIH NIJE NIKO BIL KONSTATUJEM DA JE SKUPŠTINA DONIJELA OVU ODLUKU.

Prelazimo na drugu tačku dnevnog reda:

AD – 2.

PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD 01.01.2021.GODINE DO 31.03.2021.GODINE

Molim predstavnika Predlagača da podnese uvodne napomene.

Ministrica Jasna Agić:

Zahvaljujem uvaženi predsjedavajući. Pozdravljam uvažene zastupnice i zastupnike i građane Kantona Sarajevo. Znači u skladu sa članom 48. Statuta ZZO Kantona Sarajevo i članovima 35 i 38. Zakona o Budžetu FBiH, UO ZZO Kantona Sarajevo je na 22. elektronskoj sjednici održanoj 04.12.2020 godine donio Odluku o privremenom finansiranju ZZO Kantona Sarajevo za period 01.01.2021. do 31.03.2021.godine. Te istu dostavio na saglasnost Vladi odnosno Skupštini Kantona Sarajevo. Odluka o privremenom finansiranju ZZO Kantona Sarajevo u periodu 01.01. do 31.03.2021 je donesena iz razloga što nije donesen Finansijski plan ZZO za 21 godinu te će se finansiranje obavljati privremeno odnosno za prva tri mjeseca fiskalne 21 godine. UO ZZO Kantona Sarajevo je na osmoj sjednici održanoj dana 29.10. 2020 i na 22. elektronskoj sjednici dana 04.12.2020 razmatrao radni materijal Plan prihoda i primitaka i rashoda i izdataka za 21 godinu i zaključio da u ovom momentu ne može donijeti istu iz razloga navedenih u obrazloženju odluke koja je u prilogu ovog materijala. U periodu privremenog finansiranja, finansiranje zdravstvene zaštite osiguranih lica Kantona Sarajevo i potreba i funkcija ZZO Kantona Sarajevo vršit će se srazmjerno sredstvima utrošenim najviše do tromjesečnog prosjeka za prethodnu fiskalnu godinu. U periodu privremenog finansiranja finansiraju se isti programi te nije dozvoljeno povećanje broja zaposlenih u odnosu na stanje 31.12.2020. godine ZZO Kantona Sarajevo ne može započeti nove proširene programe i aktivnosti dok se ne donese Finansijski plan Zavoda za 21 godinu. Ova odluka je usvojena od strane Vlade Kantona Sarajevo na 47 sjednici dana 17.12.2020. godine. Ukoliko Budžet dodatnih pitanja tu je s nama i direktor Sakib Katana. Hvala.

Predsjedavajući:

Zahvaljujemo se uvažena ministrice. Da li predstavnici radnih tijela žele riječ? Ima li pitanja? Evo imamo jedno pitanje uvaženi zastupnik Konaković. Izvolite, imate riječ.

Poslanik/zastupnik Elmedin Konaković.

Hvala predsjedavajući. Pitanje za ministricu Agić. Da li UO ZZO postoji, imali ZZO svoj menadžment i da li s ti organi vama, kao Vladi prosljedili eventualno prijedlog Budžeta? A u raspravi ću objasniti zašto mi je to važno. Da li su dakle u ovom periodu u kom su bili dužni pripremiti Finansijski plan, ne Budžet, da li su ti organi uradili svoj posao i da li su Vladi eventualno prosljedili takav dokument i šta ste vi s takvim dokumentom uradili. Jeste li ga vi zaustavili eventualno u daljoj proceduri? Hvala.

Predsjedavajući:

Zahvaljujem se kolegi Konakoviću. Uvažena ministrica Agić izvolite. Ministrice ne čujemo vas, upalite mikrofon.

Ministrica Jasna Agić:

Čujete li me? Hoću li sve iz početka. Može iz početka. Dobro, znači ZZO ima svoj menadžment, ima svoj UO. Oni su razmatrali Finansijski plan ZZO za 21 godinu, međutim nisu ga usvojili iz razloga koji je u njihovoj odluci, odluka u materijalu obrazložen koji je to razlog, prema tome, njihov Finansijskih plan za 21 godinu nije došao do Vlade Kantona Sarajevo i Vlada ga nije zaustavila. Hvala.

Predsjedavajući.

Zahvaljujem. S obzirom da nemamo više pitanja otvaram raspravu. Prvi prijavljeni kolega Konaković. Izvolite imate riječ.

Poslanik/zastupnik Elmedin Konaković:

Hvala predsjedavajući. Pa ne treba puno i kratkim se rokovima demaskiraju nesposobnosti Vlade "Petak 13" i svih njenih organa pa evo i ovog. Želio sam ovo da pitam zato što se vežem i za prethodnu tačku. Naravno zašto danas nemamo Budžet nije pitanje za novu Vladu i novu skupštinsku većinu. To je pitanje za odlazeću Vladu i raspadnutu skupštinsku većinu. Dakle uredno ministrica Agić, hvala vam, znam ja to naravno, i znam da Vlada nije zaustavila jer ništa nije ni dobila. A dole sjedi devet ljudi, sjedi direktor, sjede ti stranački imenovani ljudi koji su naravno imali obavezu da urade svoj dio posla a nisu. Isto kao što je Vlada Petak 13 mogla, imala obavezu također po Zakonu da u septembru, čini mi se, iz Ministarstva finansija izađe dokument. Pazite još ovo, mi smo 09. oktobra podnijeli zahtjev za smjenu. Do tada je neka radna verzija Budžeta morala biti u Vladi već a nije. Dakle ovo su vam naše realnosti političke okolnosti. Bez obzira na sve ono što nam je rad u Skupštini Kantona Sarajevo ne znam u obliku neke Farme ili Zadruga, način komuniciranja od ulaska mladog kolege Zahiragića. Neke se stvari zaista ne mogu sakriti. Ovo su vam činjenice. Nemamo finansijski plan zato što UO nije radio svoj posao. Zato što taj direktor nije radio svoj posao. Zato što ministra zdravstva nemamo. Zato Vlada nije dobila dokument. Isto tako Vlada nije uradila ništa po pitanju Budžeta a morala je. Tako da možda želja da se ostane na vlasti u pokušajima, to nećemo dati mišljenje, sada nećete razdvojiti Ministarstva, jeste intencija ljudi koji su zaista u kratkom roku pokazali sve elemente nesposobnosti. Žao mi je što nemamo danas finansijski plan na stolu o njemu bi smo mogli raspravljati vrlo kredibilno adekvatno zato što je vrijeme korone. Ali ga nemamo zato što organi koalicije "Petak 13".

Predsjedavajući:

Oprostite kolega Konakoviću, ispravka krivog navoda zastupnik Zahiragić.

Poslanik/zastupnik Haris Zahiragić:

Da li me čujete gospodine Okerić? Gospodin Konaković je kazao da moje učešće u radu Skupštine liči na Zadrugu i nastavlja sa svojim vrijeđanjem. Ja vas molim da poslaničkim intervencijama spriječite njega i svojim nadležnostima da vrijeđa kolege zastupnike. A ukoliko već želi da govorimo o zadrugama, gospodin Konaković je čovjek koji je sa svojih 40 godina glumio u produkciji ovdje kako se zvala Seks i selo, tako da je on posljednji koji može meni govoriti o rijaliti



šou. On je zaista prava rijaliti zvijezda, čovjek koji je estradizirao politiku, koji je sveo zaista na nivo čega je rekao Farme, parova i svih tih rijaliti šoua, tako da ga molim da ovako bitna sjednica bude pošteđena njegovih ličnih uvreda, jer zaista ne želim tim putem da idem. Građani Kantona Sarajevo ne žele to da slušaju, a ukoliko bude nastavio ja ću biti prinuđen svaki put da ispravim njegov navod i dam mu repliku. Hvala.

Predsjedavajući.

Hvala. Pozivam sve zastupnice i zastupnike da poštuju dignitet ove Skupštine, i da vode računa kako se izražavaju, kako razgovaraju. Molim kolegu Konakovića da nastavi.

Predsjedavajući.

Ovo je zapravo replika. Ja sam svoju diskusiju završio. Zanima me ako je ikako moguće ja bih zaista svoje dvije minute u budućnosti od mojih deset dao kolegi Zahiragiću. Dakle da on umjesto 10 govori 12, ja ću umjesto deset osam i zaista bih više volio, pogotovo tamo kako se budemo približavali nekim izbornim procesima da više govori on nego da govorim ja. Hvala kolege. Ako može ikako.

Predsjedavajući:

Zahvaljujemo se kolegi Konakoviću. Replika uvažena zastupnica Bibija Kerla.

Poslanik/zastupnik Bibija Kerla:

Dobar dan svima. Pozdravljam sve prisutne i ne vidim zašto gospodin Konaković pravi toliku scenu što se tiče privremenog finansiranja Zavoda za zdravstveno zapošljavanje kada znamo da je i prošle godine, upravo u isto vrijeme donešena odluka o privremenom finansiranju Zavoda za zdravstveno osiguranje. I ne vidim uopšte da se optužuje jedna Vlada da se aminuje druga Vlada. Hvala lijepo.

Predsjedavajući.

Zahvaljujem zastupnici Kerli. Replika kolega Zahiragić,

Poslanik/zastupnik Haris Zahiragić:

Da li se čujemo? Može li, u isto vrijeme bih želio i replicirati a i nastaviti diskusiju ukoliko je to moguće, pošto sam se prijavio i za repliku i za diskusiju.

Predsjedavajući:

može, izvolite.

Poslanik/zastupnik Haris Zahiragić:

Dakle gospodin Konaković je kazao da bi on dao meni dvije minute od svoje diskusije, meni je sasvim dovoljno pola minute da demaskiram te jeftine trikove gospodina Konakovića.

Predsjedavajući:

Poslovnička intervencija uvaženi zastupnik Konaković.

Poslanik/zastupnik Elmedin Konaković.

Hvala predsjedavajući. Kolega Zahiragiću vi ste pravnik. Nemoguće je to što tražite. Ne možete u istom obraćanju imati repliku i diskusiju. Ne znam kako dolazite na takve ideje. Dakle ovdje Poslovnik kaže diskusije su propisane ko i koliko puta. Prva vam je deset. Ukoliko govorite u ime Kluba 15. druga vam je tri. Replike imate dva puta istom sagovorniku, ne više od toga. To morate naučiti kolega Zahiragiću. Dakle ne možete u istom obraćanju imati repliku i nastavak diskusije. To zaista morate. Ne morate ni žuriti, otvorite pročitajte, pa se javite.

Predsjedavajući:

Zahvaljujem se kolegi Konakoviću. Zastupnik Zahiragić nastavite sa replikom.

Poslanik/zastupnik Haris Zahiragić:

Uvaženi predsjedavajući s obzirom da sam se ja već javio za diskusiju, pa s obzirom da sam došao na red, ja sam rekao da ću odustati do replike i kroz diskusiju kazati repliku. A vi ste rekli da može, tako da gospodinu Konakoviću koji nije pravnik, iako ga glumi, pokušava vas ovdje učiti, ja bih ga zamolio da to riješi sa vama u centrali NiP-a i li bilo gdje drugo, a ne da pokušava meni dijeliti lekcije. On sebi daje za pravo da dijeli lekcije svima iz svega, tako i meni u želji da skratim diskusiju i da ne repliciram pošto mi je došla na red diskusija, ali evo s obzirom da je gospodin Konaković to tražio, ja se sada javljam za diskusiju. Upravo završavam repliku i s obzirom da sam sljedeći za diskusiju, isključite me, pa mi ponovo dajte riječ diskusiju. Molim vas da gospodin Konaković ne bi se na vas ljutio jer ste najdobronamjernije u želji da bude efikasna sjednica meni to dozvolili. I nije lijepo gospodine Konakoviću tako svom kolegi iz Kluba, i predsjedavajućem javno ga utjerivati u neznanje. A sigurno i on zna to što ste vi rekli samo je želio da skрати procedure. Ali eto, to je vaš izbor.

Poslanik/zastupnik Elmedin Konaković:

Ne, ne. Nisam s eja obraćao Okeriću. Obraćam se vama još jednom. Ne možete repliku i diskusiju ne možete u istom obraćanju. Morate reći jel replika ili diskusija. I govorim vama da vi morate naučiti, Okerić zna. Znam da zna. To sam govorio vama. Vi šta sam ja nekom mislio reći, šta sam rekao da pokušavate ponovo vi mene tumačiti. E hajde sada ponovite ovu zadnju rečenicu i imate čokoladu. Dakle ovo ja sam u okviru diskusije rekao repliku pa ću sada diskusiju, zato ću završiti pa mi opet dajte riječ. E to ponovite dat ću vam još minutu od sebe. Eto dao sam vam dvije.

Predsjedavajući.

Zahvaljujemo se. Kolega Zahiragiću nastavite s diskusijom.

Poslanik/zastupnik Haris Zahiragić.

Hvala. Gospodin Konaković evo opet obećava čokolade. Znamo kakve su njegove čokolade završile, tako što je VIK podigao pod njegovim pritiskom EBRD kredit koji nije povukao tako da nastala je šteta milionima maraka zahvaljujući gospodinu Konakoviću i njegovim čokoladama. Ne trebate vi meni gospodine Konaković davati čokolade. Ja kada sam pitao gospodina Okerića da li mu je zgodno da ja u isto vrijeme diskusiju dam on je rekao da jeste. A onda ste vi njega ispravili i rekli da nije, pokušavajući mene ispraviti. Tako da vi nemate problem s tim svoje prve saradnike, ljudi koji rade puno za vas da ih javno tako utjerujete u neistinu, neznanje, i ja zaista mogu razumjeti gospodina Okerića. Ja ga puno cijenim i žao mi je što je on sebe doveo u tu situaciju da ga vi tako pritišćete, da ga ispravljate javno na Skupštini pred gledaocima itd. Ali opet to je.

Predsjedavajući:

kolega Zahiragiću zamolio bih vas molim vas da nastavite sa diskusijom.

Poslanik/zastupnik Haris Zahiragić.

Hoću, vraćam se na temu kolega Okeriću hvala vam. Gospodin Konaković je vrlo bitnu stvar rekao, spominjao je UO ZZO. Gospodin Konaković bi trebao da zna da u tom UO sjede ljudi koje je Fortina Vlada tada imenovala a između ostalog sjedi njegov član i dan danas. Vlada gospodina Nenadića nije smijenila UO zato što je bila pandemija pa vjerovatno nije željela u tim okolnostima da mijenja UO. Njegov član gospodin Ago ispred NiP-a koji je delegiran u taj UO i dan danas sjedi. Jedan fini, stariji čovjek, koji je vrlo pristojan i ne želim uopšte da o njemu govorim ovaj put. Međutim, ne može on delegirati odluku tog UO ovoj Vladi jer ova Vlada nije imenovala taj UO. S druge strane kada je direktor u pitanju, to je gospodin također kojeg je imenovala ranija Vlada na čelu sa Edinom Fortom, a ja s obzirom da sam radio znam da je to gospodin koji radi tamo već 15 godina, koji je profesionalac, koji je iznad svih politika i u tom smislu opet ne vidim njegovu poveznicu sa ovom vladom i sa politikama koje ste vi spomenuli. Ja znam da ste vi navikli da diskreditirate ljude, da ih vrlo tako lako trošite, da udarate na njihov profesionalni integritet, na

njihov dignitet, međutim, s obzirom da sam ja sada tu došao, ja vam to više neću dozvoliti. Pa davali vi meni čokolade ili ne davali, ja svaki put kada pokušate tako nešto uraditi ja ću vam naravno odgovoriti. Dakle na pitanje posebno koliko su učestvovali koji članovi tog UO u radu. Ako želite možemo i tu temu otvoriti na koliko je sjednica gospodin Ago učestvovao u jeku pandemije? Hoćete li da otvorimo tu temu? Ili gospodin Rožajac iz Naše stranke koji nije godinu dana skoro učestvovao u jeku pandemije ljudi se nisu javljali na sjednice UO. Gospodin Ago malo češće moram priznati, gospodin Rožajac skoro nikako. Hoćete li o tome da govorimo gospodine Konakoviću. Dakle nemojte da koristimo ovu pozornicu i ovaj teški trenutak za zdravlje da govorimo o tim temama. Vjerujte mi na kraju ćete izaći kao gubitnik te diskusije jer nemate niti jedan argument na svojoj strani. Hvala.

Predsjedavajući:

Replika Konaković, pretpostavljam Zahiragiću.

Poslanik/zastupnik Elmedin Konaković:

Kolega Zahiragiću ovo je dobro što sam čuo koliko je ko puta došao na sjednicu, koliko ko nije. Taj posao ste čini mi se dobro radili vi. Nemam blage veze s tim pojedinačnim imenima, prezimenima. Znam šta je politika. Vi dole imate dio skupštinske većine koji je i u prvoj raspodjeli imao odgovornost za taj proces. DF i SBB. Zato niste mijenjali taj UO a sve ste druge pomeli, pa i nezakonito. Neke ljude nećete da vratite na posao iako je sud to naložio, do druge presude niste u VIK-u. U Veterinarskoj niste nikada izvršili izvršne presude. Dakle to nema veze sa logikom. a i da ima veze s logikom, sada vas vraćam na početak teme. Vi ste otpuzili nas što nema Budžeta i što nema finansijskog plana. A mi kažemo da je to trenutna struktura. Što to Vlada nije promijenila i što ih nije natjerala da donesu finansijski plan. To je obaveza izvršne vlasti a ne opozicije koja u tom periodu nije imala mogućnost da upravlja procesima. I sjetite se kako ste počeli vašu raspravu. Optužujući nas zašto nema Budžeta i finansijskog plana a sada reterirate i nabrajate sastav. Isto ko neko evropsko prvenstvo Njemačka neke godine, ko je član tog UO, koliko je puta došao, ko ga je delegirao, i kakav je čovjek, jel miran, jel tih, jel fin. To nije suština. Mi nemamo dokument koji je Vlada bila dužna obezbijediti. Kolegice Kerla, slažem se ja, ružili su i prošli put i prošlu Vladu. Nek se ruže Vlade. Vlade su tu da se ruže, da se koriguju. Vi ste sada rekli sve osim onoga što ste rekli na početku. Nemamo Budžeta i nemamo Finansijskog plana jer to ova vlast nije. Ko je s kim dobar, ko je šta radio, ko je koga falio, ko je kome pio kafu, ko je koliko puta dolazio na sjednice odbora. E tu ste dobri. Ovo drugo, ništa nam niste rekli s početka. Potpuno ste promijenili koncept. Ko je sada kriv Zahiragiću, jel opozicija ili vlast što nije bilo ovog dokumenta. Evo sada nam recite. Ono prvo je drugo mišljenje. Nađite nam negdje neku sredinu, probajte.

Predsjedavajući.

Zahvaljujem. Replika Zahiragić Konakoviću.

Poslanik/zastupnik Haris Zahiragić.

Dakle na prvoj tački dnevnog reda sam kazao da je kojim slučajem imenovana Vlada na vrijeme, mi bi smo danas imali Budžet. Uprkos tome ja sam glasao za odluku o privremenom finansiranju, jel tako gospodine Predsjedavajući, u želji da Kanton Sarajevo nastavi. Ni tada nisam dobio odgovore kako će se dijeliti plate ljudima u novim ministarstvima koji nisu Budžetski korisnici. Neće se dijeliti nikako. I u tom smislu imate samo 15 dana da usvojite Budžet i kakav će on biti s obzirom da ćete ga nekih 10 dana izrađivati to je posebna tema. Kada je u pitanju taj Zavod koji ste spomenuli gospodine Konakoviću ja uopšte nisam ulazio u taj aspekt nego sam ulazio u to da ste vi optužili UO Zavoda, da zašto nije Vlada obezbijedila. Ja vam kažem to je UO koji ste vi imenovali. I ova ga vlast nikada nije promijenila. Zašto ga nije promijenila, to pitajte Vladu Kantona Sarajevo ja zaista ne znam. Međutim, preko skoro godinu dana su imali priliku da ga promijene, da su ga htjeli promijeniti mogli su ga sigurno promijeniti. U tom smislu gospodine Konakoviću ja znam da vi ste navikli ovdje da dijelite zadaće, da govorite ljudima u čemu su dobri, u čemu nisu. Meni zaista ništa ne znači ono za šta vi kažete da sam ja dobar ili nisam. Ja npr ne mislim da ste vi dobri u

nekim stvarima. Između ostalog niste dobri ni u tom spinovanju. Mene frapira činjenica da vi 10 godina ovdje istim rječnikom, istim stilom, kroz pet različitih političkih strana, pozicijama uspijevate dezavuisati kolege zastupnike i građane Kantona Sarajevo. Prošli put sam kazao, kazat ću vam opet, došla je istina, nestalo je laži. I te stvari na žalost morat ćete navići da vam neće moći prolaziti. Ja znam da i ostale kolege, pa čak i iz vašeg kluba su toga svjesni samo ne žele da idu u taj prostor jer čest budu dehumanizirani. Pa evo i mene pokušavate dehumanizirati. Dat ćete meni, svaka moja minuta je vama reklama. To vam neće uspjeti. Svaka vaša minuta je i svaki vaš spin, naravno koliko ga se ovako fino rastavi građanima, je ustvari nama najbolja kampanja. I molim vas gospodine Okeriću svaki put gospodinu Konakoviću po pravilu dajte riječ. Ja ću svaki put replicirati i polako će se taj balon koji je vještački napuhan apro po njegove istinitosti u svemu što radi biti ispuhan. Aj ne želim da koristim ovu pozornicu za to. Evo ponovo apelujem neka čuju kolega zastupnici i neka čuje gospodin Konaković želim da ovdje govorim o problemima građana Kantona Sarajevo, njima je preko glave političkih prepucavanja. I nemojte pokušavati iz pozicija moći, iz pozicije vladajuće većine iz pozicije šefa sedmorke, osmorke, kako god već, da glumite opoziciju. To vam također neće proći. Ja sam zastupnik koji sam na trećoj sjednici i sve što je bilo, ovaj put govorim ikada, ja s tim nemam ništa. Od sada ja odgovaram naravno samo za ono što ja radim i ono što ja govorim. A ako ćemo ići u prošlost, a ja ne želim gospodine Konakoviću, o vašim radnjama i u tom Zavodu i Budžetu i Kantonu, posljednjih deset godina, mogao bih doktorsku disertaciju napisati.

Predsjedavajući:  
Gospodine Zahiragiću vrijeme.

Poslanik/zastupnik Haris Zahiragić.  
Ništa hvala gospodine Okeriću. Ja sam završio svoju diskusiju, nadam se da ćemo naredne diskusije provesti u jednoj kvalitetnoj raspravi. Hvala.

Predsjedavajući:  
Zahvaljujem. S obzirom da se više niko ne javlja za raspravu  
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD 01.01.2021.GODINE DO 31.03.2021.GODINE.  
Molim zastupnike da glasaju. Zaključujem glasanje.  
ZA JE GLASALO 32 ZASTUPNIKA, PROTIV I SUZDRŽANIH NIJE BILO.  
*KONSTATUJEM DA JE SKUPŠTINA DONIJELA OVU ODLUKU*

Prelazimo na tačku tri:  
AD – 3.

PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JAVNE USTANOVE „SLUŽBA ZA ZAPOSŁJAVANJE KANTONA SARAJEVO” SARAJEVO ZA PERIOD 01.01.2021.GODINE DO 31.03.2021.GODINE

Molim predstavnika Predlagača da podnese uvodne napomene.

Ministrica Jasna Agić:  
Zahvaljujem predsjedavajući. Čujemo li se? E hvala vam. Kako do kraja godine neće biti usvojen Finansijski plan JU Služba za zapošljavanje Kantona Sarajevo za 2021 stvorila se potreba za privremenim finansiranjem te ustanove. Članom 35. Zakona o Budžetima u FBiH propisano je da se privremeno finansiranje obavlja najduže prva tri mjeseca. Privremeno finansiranje obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu. Sredstva u cijelosti obezbjeđuje JU Služba za zapošljavanje Kantona Sarajevo a

vršit će se najduže do 1/4 ukupnih prihoda utrošenih po Finansijskom planu JU Služba za zapošljavanje Kantona Sarajevo za 2020 godinu. UO JU Služba za zapošljavanje Kantona Sarajevo je na sjednici održanoj dana 22.12.2020.godine donio Odluku o privremenom finansiranju potreba JU Služba za zapošljavanje Kantona Sarajevo za period 01.01.-31.03.2021.godine koji je potvrdio i NO JU Služba za zapošljavanje Kantona Sarajevo na sjednici 23.12.2020.godine. Ova Odluka usvojena je i od strane Vlade Kantona Sarajevo na 49. radnoj sjednici održanoj 28.12.2020.godine. Napominjem da je JU Služba za zapošljavanje pripremila, a Vlada Kantona Sarajevo usvojila i Finansijski plan Službe za zapošljavanje za 2021.godinu ali je Kolegij Skupštine tražio da služba pripremi privremeno finansiranje i da ono danas bude kao tačka dnevnog reda. Hvala.

Predsjedavajući:

Zahvaljujemo se ministrici. Da li predstavnici radnih tijela žele riječ? Ima li pitanja?

Otvaram raspravu. S obzirom da se niko ne prijavljuje za raspravu, zaključujem je.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JAVNE USTANOVE „SLUŽBA ZA ZAPOŠLJAVANJE KANTONA SARAJEVO” SARAJEVO ZA PERIOD 01.01.2021.GODINE DO 31.03.2021.GODINE.

Molim zastupnike da se izjasne na anketi. Zaključujem glasanje.

ZA JE GLASALO 30 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA I OVU ODLUKU.

Prelazimo na tačku četiri:

AD-4.

PRIJEDLOG ODLUKE O IZMJENI ODLUKE O OSNIVANU JAVNE USTANOVE “PORODIČNO SAVJETOVALIŠTE”

Molim predstavnika Predlagača da podnese uvodne napomene.

Ministrica Jasna Agić:

Hvala vam. KJU Porodično savjetovalište, čiji je osnivač Kanton Sarajevo je u dosadašnjem periodu obavljala propisanu djelatnost u zakupljenim prostorija u ulici Avdage Šahinagića broj 14 Sarajevo. Cijena zakupnine je iznosila 2000 KM mjesečno. Imajući u vidu da je ova ustanova obavljala djelatnost u zakupljenom prostoru koji je uz to bio i neuslovan za izvršavanje poslova iz nadležnosti ustanova i prijem stranaka to je ovo Ministarstvo 2014 godine pokrenulo aktivnost na obezbjeđenju finansijske podrške za izgradnju poslovne zgrade za ovu ustanovu, što je omogućilo da se izgradnja ovog poslovnog objekta završi i da se od strane službe za oblast prostornog uređenja i urbanizam općine Novo Sarajevo donese rješenje od 20.11.2020.godine kojim se utvrđuje da se poslovni objekat KJU Porodično savjetovalište u ulici Bihaćka bb Sarajevo kao tehnički ispravan može koristiti. Kako član 6. Zakona o ustanovama propisuje da osnivač donosi akt o osnivanju koji treba između ostalog da sadrži i naziv i sjedište ustanove, a u odluci o osnivanju KJU Porodično savjetovalište u članu 2. stav 2) sjedište ustanove je u ulici Avdage Šahinagića broj 14/2 Sarajevo. To je neophodno da se u ovom dijelu izmijeni osnivački akt ove ustanove. Na ovaj način će se omogućiti da ustanova može započeti svoj rad kako je planirano 01.01.2021.godine u novim prostorijama. Imajući u vidu naprijed navedeno Ministarstvo za rad socijalnu politiku, raseljena lica i izbjeglice Kantona Sarajevo je izradilo Odluku o izmjeni Odluke o osnivanju KJU Porodično savjetovalište koja je usvojena i od strane Vlade na 47. radnoj sjednici održanoj 17.12.2020.godine. Hvala.

Predsjedavajući:

Zahvaljujemo se ministrici. Da li predstavnici radnih tijela žele riječ? Ima li pitanja? Otvaram raspravu. S obzirom da se niko ne javlja za riječ zaključujem raspravu.

Evo imamo prijavu uvažene zastupnice Kerla. Izvolite zastupnice Kerla.

Poslanik/zastupnik Bibija Kerla:

Želim da iskoristim priliku da čestitam (ne čuje se) stanovnicima Kantona Sarajevo želim da što manje posjećuju ovu ustanovu, da sve svoje probleme porodične rješavaju kod kuće a ne u ustanovi. Hvala lijepo.

Predsjedavajući:

Hvala zastupnice Kerla. Sada zaključujem raspravu.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O O IZMJENI ODLUKE O OSNIVANU JAVNE USTANOVE "PORODIČNO SAVJETOVALIŠTE".**

Zaključujem glasanje.

**ZA JE GLASALO 25 ZASTUPNIKA, PROTIV NIŠTA I SUZDRŽANIH 5.**

**KONSTATUJEM DA JE SKUPŠTINA DONIJELA I OVU ODLUKU.**

Prelazimo na tačku dnevnog reda pet:

**AD – 5.**

**INFORMACIJA O STANJU KVALITETA ZRAKA U KANTONU SARAJEVO**

Molim predstavnika Predlagača da podnese uvodne napomene. Očekujemo da se javi premijer Vlade ili neko od resornih ministara.

Ministar Faruk Kapidžić.

Zahvaljujem se. Da li me čujete?

Predsjedavajući:

Čujemo se uvaženi ministre, izvolite imate riječ.

Ministar Faruk Kapidžić:

Hvala. Dakle informacija o kvaliteti zraka obzirom da je prošlo nekih 30 minuta od stavljanja te tačke nije moguće dati tako brzo doći do podataka. Možda bi za jedan dan napravio kvalitetnu informaciju. Ono što sam mogao da napravim to je samo da je kvalitet zraka u Kantonu Sarajevo u odnosu na isti dan prošle godine, u odnosu na 29.12.2019 osam puta bolji. Što ne znači da je dovoljno dobar, ali jeza naše prilike nešto o čemu možemo samo sanjati. Da li je to rezultat kvalitetnog rada ove Vlade i mog Ministarstva na poboljšanju kvalitetu zraka u Kantonu ili je klima osjetila iskrenu namjeru ove Vlade pa nas je počastila dobrim vremenom to ostavljam vašim ekspertima da ustanove. Ali u svakom slučaju sam razočaran da niste bili u stanju na sjednicu staviti na dnevni red Odluku, odnosno materijal Vlade o izmjeni i dopuni Odluke o zaštiti i poboljšanju kvaliteta zraka u Kantonu Sarajevo, koji je dostavljen Skupštini na usvajanje 22.12.2020. i u kojem je članom 17 a) definisana zabrana upotrebe i posjedovanja uglja u Kantonu počev od 01.11.2021. Mislim da je to materijal koji se morao naći na hitnoj sjednici obzirom da ako se ne krene s tim čim prije neće se stići a to je za građane najbitnije i za zdravlje građana. Hvala.

Predsjedavajući:

Hvala ministre. Da li predstavnici radnih tijela žele riječ? Ima li pitanja? Zastupnik Nikšić, imate riječ. Izvolite. Zastupniče Nikšić možete krenuti.

Poslanik/zastupnik Damir Nikšić:

E ovako, dobro ne možemo imati izvještaj za, uporediti isti dan 29. decembar ove godine i prošle godine s obzirom da je jučer bila narandžasta opasnost i oluja koja je raspuhala pola regije. Naravno i zagađenje. To razumijem kada simbolički šta i kako, koja je nagrada ako je nagrada za jedan dan. A onda dalje da se nastavi sa zagađenjem to baš nije neka utjeha. Vrlo mi je važno, ja sam htio da čujem, ako može i usmeno gospodin ministar da kaže kakvo je stanje sa mjernim uređajima. Ja sam čuo da samo na Ilidži radi mjerni uređaj ovaj što mjeri zagađenje zraka. I čestice. I radi toga što nisu

na vrijeme naručeni rezervni dijelovi. To ispada, kako čujem, volio bih da mi potvrdi, da mi kaže u kakvom su stanju i da li zna, jer ispada da se radi o raspadu sistema. Dakle da uopšte ne rade mjerni uređaji što je zabrinjavajuće. Ako do sada nisu kupili i zamijenili te dijelove. Dakle u jednom periodu to je bilo totalno zanemareno u gradu koji je prvak glavni grad najzagađeniji glavnih gradova svijeta. Eto otprilike da tako definišemo. Ovo što se tiče oko uglja, to se slažem i to sam htio da čujem isto od ministra da postoji.

Predsjedavajući:

Kolega Nikšiću ja se izvinjavam da li ste se javili da postavite pitanja ili diskusiju. S obzirom da nismo još završili s pitanjima.

Poslanik/zastupnik Damir Nikšić:

ja, ja onda ću diskusiju o uglju u narednom dijelu. A evo da pitam stanje mjernih uređaja, eto.

Predsjedavajući:

Zahvaljujem. Zastupnik Mahir Dević prijavio se za pitanje. Izvolite zastupniče Dević.

Poslanik/zastupnik Mahir Dević:

Zahvaljujem predsjedavajući. Čujemo li se? Hvala lijepo. Pitanje za vas. Da li bi smo ovu Odluku o kojoj je uvodno izlaganju ministar već govorio mogli tretirati kroz dopunu dnevnog reda a na ovoj sjednici od 05. s obzirom da je navedena odluka prošla sve procedure a u interesu je građana Kantona Sarajevo da li možemo kao dopunu dnevnog reda na Kolegiju da tu tačku uvrstimo na dnevni red? Hvala.

Predsjedavajući:

To je pitanje za Kolegij, a možete svakako podnijeti zahtjev Kolegiju pa će Kolegij odlučiti. S obzirom da nemamo više pitanja, molim ministra da da odgovore na postavljena pitanja.

Ministar Faruk Kapidžić:

Zahvaljujem. Ja bih rado dao odgovore da sam čuo i jedno pitanje. Znači ništa se nije čulo što je zastupnik Nikšić pitao i inače stalni su problemi s ovim online sjednica, ništa pola ne čujemo, pola čujemo. To je katastrofa. Ako mi možete ponoviti pitanje ja ću rado odgovoriti.

Predsjedavajući:

Uvaženi zastupniče Nikšić možete li ponoviti svoje pitanje.

Poslanik/zastupnik Damir Nikšić:

Da li se sada čujem?

Ministar Faruk Kapidžić:

Ja slabo, skoro pa ništa.

Poslanik/zastupnik Damir Nikšić:

Sada da li me čujete?

Predsjedavajući:

Pokušajte se približiti mikrofONU.

Poslanik/zastupnik Damir Nikšić:

Znači ništa me ne čujete

Ministar Faruk Kapidžić:

E sada je malo bolje. Tako može.

Poslanik/zastupnik Damir Nikšić:

Šta sam onda, džaba sam pričao u prvom dijelu. Što mi niste rekli da me ne čujete? Pitanje je bilo kakvo je stanje, znate li sa mjernim uređajima. Gdje sada on ode. Ode negdje ministar. Pitanje je bilo kakvo je stanje sa mjernim uređajima, pošto je po mojim saznanjima da skoro ni jedan mjeri uređaj koji mjeri zagađenje i čestite ne radi u gradu, jedino ovaj na Ilidži sam čuo da radi. Radi toga što nisu na vrijeme obezbijeđeni, kupljeni, naručeni rezervni dijelovi. Da li znate o čemu se radi tu, i da li je takvo stanje? Kakvo je stanje? Eto to je pitanje.

Ministar Faruk Kapidžić:

Sada sam čuo jedva, ali sam čuo, shvatio sam o čemu se radi. Naime problem je bio u tome što javno zdravstvo je nabavljalo te dijelove. Pošto to nije funkcionisalo, oni nisu mogli, mi smo prebacili na zajedničku službu. Dakle oni provode tender o javnim nabavkama za rezervne dijelove. Obzirom da su javne nabavke kod nas takve da određene firme učestvuju da bi obarale javne nabavke, mi imamo konstantnih problema. Mi smo uspjeli nabaviti te dijelove tako što smo posudili te dijelove od firme i sada joj vraćamo jer je tender prošao. Cijelo vrijeme su bili rezervni dijelovi, nabavke su sada zaklopljene, završene i radili su cijelo vrijeme svi mjerni uređaji. Ono što nije radilo, to je da nije radila web stranica, odnosno taj dio softvera koji je prenosio te podatke. Ti podaci se mogu retroaktivno izvući i staviti na web stranicu ali sada je to ponovo uspostavljeno zato što je tender o javnim nabavkama prošao. Prošao je opšti sporazum sada sa firmom da nemamo tih problema u naredne dvije godine. Eto takva je situacija.

Predsjedavajući:

Zahvaljujemo se ministre. Sljedeći prijavljeni za raspravu je zastupnik Konaković. Izvolite.

Poslanik/zastupnik Elmedin Konaković:

Pa samo bih ukazao na nekoliko činjenica prihvatajući naravno argument ministra Kapidžića da jeste bilo kratko vrijeme. Da se na ovakvim sjednicama ne može baš pripremiti, posebno obiman i detaljan materijal ali bih također Kapidžića podsjetio na zaključak Skupštine da se na svakoj od sjednica uvrsti tačka u kojoj će nas informisati o stanju kvalitete zraka u Kantonu Sarajevo. Ovo što smo od njega čuli, je onako, da ne kažem neku tešku riječ. Vrlo površan odnos, u kojem bi vjerovatno više odgovora dao da je otišao na neku TV emisiju ili na neku radijsku ili u nekom intervju nego što je dao danas nama zastupnicima. Od ministra u Vladi očekujemo kada se o njegovoj temi govori da nam barem u tri do pet minuta može reći neke osnovne stvari, da kaže osim što je rekla da klima osjetila iskrenu namjeru ove Vlade, sve ostalo je bilo alibi. Eto klima je osjetila iskrenu namjeru ove Vlade pa nam bar recite kako je to bilo prije 15 dana 20 dana, šta je to urađeno u periodu dok ste tu. Tako bi mogla izgledati neka suvisla informacija da ste vi htjeli, da ne kažem znali možda i znate šta se tamo radilo, šta treba raditi. A ne da još kažete pazite ljudi, evo tu smo mi započeli, pa ja sada idem, pa vi to nastavite, pa završite, pa da nam kažete dokle je recimo ta studija o izvorima zagađenja. Znamo li napokon ko nas zagađuje? Šta smo onda po tom pitanju poduzeli? Tako bi trebala izgledati obraćanje ozbiljnog ministra na sjednici Skupštine uz još jednom ponavljam zaista argument da jeste bilo kratko vrijeme. Za kratko vrijeme imate alibi da nam niste dostavili neki ozbiljan pisani materijal. Nemate nikakav alibi da izađete i kažete ono što vam je struka, što bi ste trebali informisati, ako ne nas u Skupštini onda barem radi građana da ljudi znaju šta se dešava. Ali eto prihvatit ćemo d a je klima osjetila iskrenu namjeru ove Vlade kao vaš konačan odgovor. Hvala vam.

Predsjedavajući:

Zahvaljujem se kolegi Konakoviću. Replika Zahiragić Konakoviću.

Poslanik/zastupnik Haris Zahiragić:

Zahvaljujem se predsjedavajući. Hvala. Imao bih zaista potrebu da repliciram gospodinu Konakoviću na način da se (nerazumljivo) ministar na taj način ne može učestvovati na sjednici. Ko god gledao ovu Skupštinu, a pozivam građane da premotaju na početak ukoliko nisu gledali od



početka i vidjet će da je kolega Nikšić kao zastupnik predloži tačku Izvještaj o stanju zraka, na hitnoj sjednici ovoj bez dnevnog reda na samoj sjednici. I onda nakon sat vremena gospodin Konaković optužuje gospodina Kapidžića da nije dostavio neki pismeni materijal. Kasnije, on je predložio izvještaj vi ste preformulisali u informaciju, što je ispravnije, ali u tom smislu onda je gospodin Nikšić trebao podnijeti uvodno izlaganje a ne gospodin Kapidžić, kada je već gospodin Kapidžić ukratko podnio izlaganje i kazao da ne može u roku od sat vremena imati informaciju jer nije znao da ćete vi to danas tražiti, da bi mu trebao dan najmanje, onda je on sve otprilike rekao. Tih par narodnih rečenica uopšte nisu bile suština. Kada je u pitanju kvalitet zraka i odnos gospodina Kapidžića i to kako je on šta rekao, mislim da gospodin Kapidžić, to šira društvena zajednica je zaista prihvatila i mislim ako napravimo analizu možda najprihvaćeniji ministar od svih ministara u ukupno. Ne znam kada se desio ministar koji je dobio toliku podršku javnosti za teme kojima se on bavi. On je jedan svjetski poznati i priznati arhitekta koji je ja sam upozoravao kada je počeo raditi ako tako nastavi šeretski, onako dobronamjerno, reko naći će načina da te smijene. Međutim nisam ni slutio da ćemo ugasiti Ministarstvo. Rad gospodina Kapidžića za tako kratak period (nerazumljivo) Konakovića, je rezultirao da je nova skupštinska većina ugasila njegovo Ministarstvo. Međutim gospodin Kapidžić je jedan hrabri čovjek, odlučan da zaustavi ilegalnu gradnju u Kantonu Sarajevo, da zaustavi urbicid, ne samo radi zdravlja, nego i radi estetike, i kvaliteta života građana Kantona Sarajevo i on kao takav iako neće biti ministar imat će kroz mene kao zastupnika, a vjerujem i ostale moje kolege iz Kluba zaista glas uvijek u Skupštini. I to što ste mu ugasili ministarstvo nećete.

Predsjedavajući:

Kolega Zahiragiću imamo ispravku krivog navoda zastupnik Nikšić.

Poslanik/zastupnik Damir Nikšić:

Ostalo mi je seting mi je ostao prijašnji na plaži, imao sam back ground plaže. Jel se sada bolje čujemo. E ovako ja bih stvarno zamolio, ja znam da je interpretacija ali da se držimo nekog reda, Ministarstvo nije ugašeno. Prošli put sam to rekao na sjednici Skupštine. Ne pomažemo tako interpretirati da je ugašeno, ja ne želim vjerovati da je ugašeno, evo da budem iskren sam sa sobom i sa vama. Ali ne možemo reći da je ugašeno u samom nazivu se nalazi i okoliš i sve insistirao sam da okoliš bude prva riječ. Da se i Ministarstvo zove. Tako da je to jedan krivi navod i molio bih da ne insistiramo na tome, da se ne moram svaki put ponovo javljati i ispravljati krive navode da je Ministarstvo ugašeno. Molim vas kolega Zahiragić ako vas ja lično mogu zamoliti da ne bi morao svaki put pisati ispravku krivog navoda. Druga stvar, u pravu ste vi niste bili ovdje prethodnih godina i vjerovatno ne znate da smo mi usvojili, da je Skupština usvojila zaključak da se pred svaku sjednicu, pogotovo u ovim mjesecima zagađenja stavi kako se to kaže, uključi u dnevni red, nije pred svaku nego u dnevni red svake sjednice da se uključi ta informacija. Ja sam, više ne znam stvarno mi treba stravu saljevati od tih pravnih izraza. Vi ste pravnik, ja nisam, ja sam umjetnik, pa je meni izvještaj – informacija, raport sve jedno te isto u suštini. Ja se ispričavam što sam iskoristio tu riječ izvještaj a zapravo radi se o informaciji oko koje smo se složili da ćemo svaki put na inicijativu zastupnika Devića davno smo se to složili da ćemo imati to. I na osnovu toga ZZO oni prave tu informaciju je trebao da pripremi pred svaku sjednicu tu informaciju da ima spremnom. Ali pošto mi kakvi jesmo ne pridržavamo se sopstvenih odluka ni Ustava, ni Poslovnika, niko od nas očigledno imamo taj neki, to neko saglasje u vezi toga.

Predsjedavajući-

Kolega Nikšiću oprostite imamo prepravku krivog navoda zastupnik Mahir Dević.

Poslanik/zastupnik Mahir Dević:

Čujemo li se predsjedavajući? Zahvaljuje. Ma ispravka krivog navoda se odnosi na ovo spinovanje kolege Konakovića koji je rekao da smo mi donijeli zaključak koa Skupština da se ta tačka dnevnog reda razmatra kroz redovan dnevni red. To je tačno. Ali mi danas imamo sjednicu hitnog karaktera. Moj zaključak je bio da se ta tačka dnevnog reda razmatra u okviru redovnih sjednica. Pa evo zbog

gledalaca da se zna da je danas ovo hitna sjednica koja nije tretirala ovu vrstu oblasti. I naravno kolega Nikšić je imao pravo da jedno ovakvo pitanje delegira kao informaciju ali ono što je bio moj zaključak su bile redovne sjednice Skupštine Kantona Sarajevo a ne hitne sjednice. Eto u tom smislu je ispravka krivog navoda jer je kolega Konaković govorio kao da smo ti preuzeli kao obavezu koju ne izvršavamo. Mi kao Skupština smo usvojili zaključak da se to tretira kroz redovne sjednice Skupštine Kantona Sarajevo a ne kroz hitne. Naravno da možemo i na hitnim raspravljati. Evo danas smo to utvrdili na dnevnom redu. Samo da napravimo tu razliku zaključka kojeg sam ja tada predložio kao šef Kluba kojeg je usvojila Skupština Kantona Sarajevo.

Predsjedavajući:

Hvala kolega Deviću. Zastupnik Nikšić možete nastaviti.

Poslanik/zastupnik Damir Nikšić.

E hvala vam. Da, jeste na redovnim sjednicama, naravno to se podrazumijeva. Pošto mi nismo na redovnim sjednicama do sada to činili, to praktikovali, izgleda da su oni koji trebaju da pripremaju tu informaciju se otpustili i ne mislimo da, osim ako postoji mogućnost da se čitav mjesec ne sastane Skupština i da se za čitav period zime ne sastane Skupština. Ja mislim, razumijete šta hoću da kažem. Ja mislim da je taj izvještaj, odnosno ta informacija trebala da bude spremna, i treba da bude spremna bez obzira hoćemo li mi biti dosljedni sebi ili nećemo na redovnim sjednicama. Znači mjesečno bi trebala da bude spremna, sedmično bi trebala da bude spremna, pa ako se zadesi ovako malo iznenađenje u obliku ove moje tačke, mog prijedloga tačke dnevnog reda onda ne bi trebalo da ih iznenadi. Kao što snijeg svaki put iznenadi ove službe za puteve. Ne bi trebalo da iznenadi. Ne bi trebalo ništa da bude čudno. Oni bi to trebali već da imaju u ladici. To je moj argument evo. Hvala vam.

Predsjedavajući.

Zahvaljujem kolega Nikšiću. Kolega Zahiragić može nastaviti.

Poslanik/zastupnik Haris Zahiragić:

Kolega Okeriću mislite mogu imati diskusiju, repliku? Pošto nisam imao ranije, nisam bio prekinut.

Predsjedavajući:

Kolega Nikšić vas je prekinuo tražeći ispravku krivog navoda.

Poslanik/zastupnik Haris Zahiragić:

Eh, vidite, s obzirom da je gospodin Nikšić već par puta se javio i da je komentarisao ono što sam ja kazao. Gospodine Nikšiću vi ste vrlo precizno kazali želim, rekli ste nije ukinuto, zapravo da budem iskren želim da vjerujem da nije ukinuto. Dakle s tim želim da vjerujem ste iskazali i vi određenu dozu sumnje a ja vas moram gospodine Nikšiću upoznati s tim da ste vi vrlo dobronamjerno, što je za svaku pohvalu iako ste dio nove većine i kao takvi ste morali glasati za spajanje ta dva nesrodna Ministarstva, tražili ste eto barem da vas kolege ispoštuju i da stave zaštitu okoliša kao prvu riječ ili prvi dio nadležnosti u naziv Ministarstva. Eto bilo bi mi drago da ste barem to uspjeli, međutim kolege vas nisu ispoštovali. Ako pogledate Službene novine zaštita okoliša na posljednjem mjestu, dakle odmah tamo iza rada, VIK-a, svih problema u komunalnoj privredi, građenje itd, tek na kraju je ta zaštita okoliša na žalost.

Predsjedavajući:

Kolega Zahiragiću vrijeme.

Poslanik/zastupnik Haris Zahiragić.

Ništa, htio sam još da kažem samo da je formalno ugašeno Ministarstvo kao pravno lice, kao Budžetska stavka. Dakle to vam Ministarstvo gospodin Kapidžić koje je vodio više ne postoji. Novo

Ministarstvo koje je formirano nezgrapno će uzeti taj dio nadležnosti ali to nije više isto Ministarstvo nažalost. Ja sam upozoravao na prošloj sjednici, ali evo.

Predsjedavajući:

Na žalost morat ću vam oduzeti riječ kolega Zahiragiću. Replika Konaković i zamolio bih zastupnike da pišu u grupi kome repliciraju pošto ništa nam ne znači kada samo napišete replika. Kolega Konaković.

Poslanik/zastupnik Elmedin Konaković:

Imate Nikšića u međuvremenu ispravku krivog navoda, javio se upravo. Ja sam to upratio.

Predsjedavajući:

Evo smo vidjeli. Kolega Nikšić ispravka krivog navoda Harisu Zahiragiću.

Poslanik/zastupnik Damir Nikšić:

Evo dok se upali. Razumijem, hvala na opservacijama. I jest tako je sve bilo. I bit će i promijenit će se i dogovarat ćemo se i dalje. Sada sam razumio šta znači ugastiti, ukinuti Ministarstvo, pravno formalno to sve. Međutim, jedan je krivi navod. Krivi navod je to da je Ministarstvo okoliša i prostornog uređenja nezgrapno radi toga što je priključen taj dio komunalne privrede i toga. Ja u vas podsjetiti da je to Ministarstvo originalno prije nego što je komunalna privreda postojala kao Ministarstvo komunalne privrede uključivalo u sebe, pogledat ćete u opisu, u Ustavu i u Službenim novima, tamo sam našao, znači postojalo je vamo Ministarstvo stambene politike koje je kasnije priključeno ovom Ministarstvu okoliša i prostornog uređenja a izdvojeno je iz Ministarstva okoliša i prostornog uređenja izdvojene su te komunalne stvari, komunalne privreda. Komunalna privreda je originalno bila dio Ministarstva prostornog uređenja i okoliša i tada kada je bila dio nije očigledno nekome odnosno nije bila nezgrapna. Možda je bila nezgrapna pa je radi toga izdvojeno. Ali podsjećam da je bila dio toga i da to u suštini nije neka velika.

Predsjedavajući:

Oprostite imam ispravku krivog navoda uvaženi zastupnik Zahuragić Nikšiću. Izvolite.

Poslanik/zastupnik Haris Zahiragić.

Moj uvaženi kolega Nikšić je u pravu kada ovo kaže međutim ja s obzirom da sam se raspitao znam zašto jeste rastavljeno, zato što su se pojavili problemi zaista u urbanizmu, zato što su se pojavile potrebe širenja, građenja Sarajeva. Što su se pojavile potrebe uređivanja tog oblasti nivoa Kantona i naravno što su se pojavile kako u svijetu su postale trend, nekada ranije nisu ekološke politike, vi to bolje nego iko od nas znate gospodine Nikšiću, i to vam priznajem, nisu bile u fokusu, zdravlje građana s tog aspekta nije bilo tretirano. Međutim sada je situacija kakva jeste i na žalost to Ministarstvo je ukinuto. Niste se referisali evo ja ću podsjetiti kolege vaše iz Skupštinske većine iako su vam prošli put prihvatili da zaštita okoliša bude na prvom mjestu, stavili su to na zadnje mjesto. To nam govori o odnosu vaših kolega prema vama. Nemojte pogrešno shvatiti niti ja to inputiram. To samo govori o odnosu vaših kolega prema zaštiti okoliša a vas ću izdvojiti kao svijetao primjer čovjeka ko ji je zaista kada je ta tema u pitanju, dosljedan. Hvala.

Predsjedavajući:

Zahvaljujem. Imamo prijavu zastupnika Jakupovića krivi navod. Ispravka krivog navoda. Izvolite kolega Jakupoviću.

Poslanik/zastupnik Vedran Jakupović:

Pozdravljam vas i sve gledaoce pored malih ekrana. Ponovo krivi navod, Ministarstvo inje ukinuto i ova priča da o nekakvom odnosu prema gospodinu Nikšiću besmislena je zato što smo rekli da će se u narednom periodu vrlo vjerovatno ime Ministarstva mijenjati. Evo samo kažem dva kriva navoda. Neću da oduzimam vrijeme, i ponovo evo znači Ministarstvo neće biti ukinuto. Hvala.

Predsjedavajući:  
Zahvaljujem. Poslovnička intervencija kolega Zahiragić.

Poslanik/zastupnik Haris Zahiragić:

Nemam zaista namjeru ponašati se kao kolega Konaković i poslanike Poslovniku i govoriti trebali bi to znati ili ne bi trebali znati, ali ovaj put moram. Pa ne može se krivi navod na nešto što sam ja rekao prije 20 minuta. Trebao je to tada reći dok sam ja govorio. Tada se traži krivi navod a ne nakon 20 minuta od toga. A u svakom slučaju ovo što je kazao rečeno, obećano, Zakon objavljen u Službenim novinama i niste ispoštovali gospodina Nikšića. I ne želim ulaziti u vaše unutrašnje odnose zaista. Hvala.

Predsjedavajući.

Kolega Konaković replika Zahiragić Dević. Izvolite. Oprostite kolega Konaković evo imamo upravo ispravku krivog navoda Jakupović.

Poslanik/zastupnik Vedran Jakupović:

Krivi navod da sam reagovao na nešto što je kolega Zahiragić rekao prije 20 minuta. Vjerovatno više i ne zna šta priča koliko priča. Ponovo je tri puta između replike i krivog navoda Nikšiću spomenuo da je Ministarstvo ukinuto. Provjerite.

Predsjedavajući:

Zahvaljujem se. Kolega Konakoviću možete nastaviti sa replikom.

Poslanik/zastupnik Elmedin Konaković:

E jesam li na redu? Dakle impresivno je šta se dešava u Skupštini Kantona Sarajevo i koliko zapravo zastupnici iz SDA izvrću ono što mi govorimo. Nisam rekao gospodinu Kapidžiću da je trebao donijeti pismenu informaciju. Naprotiv, rekao sam ministre Kapidžiću imate naravno alibi da na sjednici koja vam je pola sata prije vašeg obraćanja naložila da nam date informaciju. Naravno ne očekujemo pisanu, detaljnu, ali očekujemo da nam kao ministar koji zna šta radi, ako znate šta radite, izađete na binu i kažete osnovne parametre i povučete neke usporedbe, informišete nas o aktivnostima Ministarstva koje su urađene. E to sam ja govorio. E onda salva, on je rekao, i Dević i Zahiragić su govorili o tome kako sam ja zapravo tražio od ministra Kapidžića neku pisanu informaciju. Dakle Dević je govorio naravno i o tome kako se mi jesmo dogovorili da ide informacija, ali eto ko biva danas iz njegovog nekog, po njegovom nekom eto razmišljanju ne bi trebala. Mi mislimo da bi, glasali ste svi za takav dnevni red i red je bio brate da izađe ministar da izađe i da kaže nekoliko rečenica o tome što zanima ljude jer je to svakodnevna djelatnost njegova i trebala bi biti naša kada bi smo znali šta se tamo zapravo dešava. I ne mogu da ne prokomentarišem ovo što radi Haris Zahiragić. A Okeriću jeste li vidjeli šta vam je rekao Konaković, a Nikšiću jeste li vidjeli šta vam radi većina. Eto ja ne bih to da ulazim ali ovi su vam rekli to, ovi su vam rekli to.

Predsjedavajući:

Kolega Konakoviću imamo ispravku krivog navoda, zastupnik Dević.

Poslanik/zastupnik Mahir Dević:

Čujemo li se predsjedavajući? Zahvaljujem. Ispravka krivog navoda kolegi Konakoviću koji ponovo ne znam vjerovatno zlonamjerno izvrće ono što sam ja kazao a ja sam ponovio ono što je bio stav Skupštine Kantona Sarajevo. Taj zaključak se odnosio na redovne sjednice Skupštine Kantona Sarajevo. Ovo danas je hitna sjednica Skupštine Kantona Sarajevo. Tako da hitne sjednice ne tretiraju taj zaključak Skupštine Kantona Sarajevo. Naravno da Skupština može i na hitnim sjednicama uraditi kao što je danas uradila na prijedlog kolege Nikšića i to dodala na dnevni red, ali isto tako se ne može očekivati od ministra ko ji nije znao da će ova tačka biti dio dnevnog reda da on daje sada neka opširna izlaganja i da se njegov rad u ovom smislu omalovažava, a paralelnos s

tim odluku koju je usvojila Vlada Kantona Sarajevo mi ne stavljamo na tu istu hitnu sjednicu Skupštine Kantona Sarajevo da je usvojimo, da povučemo neki konkretan potez. Kada ja evo pitam predsjedavajućeg on meni odgovora da je to posao Kolegija. Naravno da je to posao Kolegija ali bilo je to hitnije nego da na ovakav način ovu tačku dnevnog reda tretiramo. Prema tome evo mi ponovo predlažemo da se ta odluka tretira kroz narednu sjednicu Skupštine Kantona Sarajevo, odnosno redovnu koja je zakazana za 05. putem dopune dnevnog reda što omogućava Poslovnik o radu Skupštine. Hvala.

Predsjedavajući.

Zahvaljujem se kolegi Deviću. Zastupnik Konaković nastavite svoju repliku.

Poslanik/zastupnik Elmedin Konaković:

Ja sam završio predsjedavajući, nemam ništa reći. Ako mogu moje minute samo Zahiragiću, hvala vam.

Predsjedavajući:

Replika Nikšić Deviću. Izvolite kolega Nikšiću.

Poslanik/zastupnik Damir Nikšić:

Evo me. Ja moram replicirati Deviću, pozitivno. Slažem se sa tim prijedlogom i vjerovatno bi to tretirati sada u raspravi slažem se da je odredba kako se to zove, uredba, odredba o uglju jedan od važnijih akata koje je Ministarstvo, i koje je ministar donio i ja se apsolutno slažem. E sada bih volio da mi pomognete, totalno sam smetnuo s uma, stavio bih je ja na dnevni red ove hitne sjednice, predložio bih to da sam na vrijeme reagovao. Mislio sam da možemo u sklopu ove tačke i o tome. Ako mi možete pomoći ako mi može pomoći sekretarka ili rukovodstvo, možemo li to danas, sada, nekim zaključkom usvojiti tu odredbu ili da odlučimo, da zaključimo danas sada da stavimo tu tačku dnevnog reda na dnevni red naredne sjednice. Ali odmah da to dogovorimo jer to je jedna od stvari koje između ostalog čini informaciju i neku vrstu izvještaja o tome šta je ministar radio u proteklom periodu. Ja mislim daje ta odluka jedna od bitnih odluka u istoriji Kantona Sarajevo. I da bi mi morali staviti podhitno na dnevni red ako možemo danas to odlučiti ili ako možemo u toku rasprave evo da mi pomognete da zajedno bez obzira na stranačke, da zajedno se složimo oko toga da to ide na dnevni red. Ja mislim je to bitna odluka. Hvala vam.

Predsjedavajući:

zahvaljujem se kolega Nikšiću. Ponovit ću još jednom možete svoje zahtjeve dostaviti Kolegiju koji će razmotriti da se ta tačka dnevnog reda stavi na narednu sjednicu zakazanu narednu sjednicu Skupštine Kantona Sarajevo. Diskusija zastupnik Vibor Handžić. Izvolite.

Dopredsjedavajući Vibor Handžić:

Da li se čujemo predsjedavajući? Dakle ja ću imati jednu vrlo kratku diskusiju. Dakle ova tačka je. Oprostite javlja se kolegica Kerla i ona se stvarno prije mene javila za diskusiju pa molim da njoj date riječ, nije nikakav problem.

Predsjedavajući:

Izgubio se jedan red zbog prevelikih replika koje su zastupnici pisali u grupu, tako da dajemo riječ uvaženoj zastupnici Kerli.

Poslanik/zastupnik Bibija Kerla.

Ja se u potpunosti slažem sa ministrom Kapidžićem obzirom da je uputio kritiku da ova tema nije došla na redovnu, na dnevni red ove sjednice. Za mog kolegu Nikšića poruka, u buduće ovakve inicijative slati na adresu Kolegija najmanje sedam dana prije jer ova tema za analizu a ne samo za informaciju. Predlažem da se donese zaključak da se ova tačka dnevnog reda uvrsti na sljedeću redovnu sjednicu Skupštine Kantona Sarajevo. Mom kolegi Konakoviću sugestija ovo je hitna a ne

redovna sjednica. Nije ministar bio dužan pripremiti ni materijal jer nije bio uopšte uvršten na dnevni red ove sjednice ali s obzirom da ste to naknadno obrazložili da niste tražili pismenu informaciju opraštam vam taj lapsus i zato dajem prijedlog da prekinemo diskusiju, replike, ispravke krivih navoda na ovu temu. Da donesemo predloženi zaključak i uvrstimo ovu problematiku na sljedeću redovnu sjednicu.

Predsjedavajući.

Zahvaljujem kolegice Kerla. Uvaženi zastupnik Handžić diskusija.

Dopredsjedavajući Vibor Handžić.

Ja sam samo na zamolbu službe ukinuo sam video kako bi bolje funkcionisala veza među nama tako da samo to da vam dam tom kao informaciju. Kratka diskusija, ovo je još jedna tačka dnevnog reda koja je pokazala da nekim rastezanjem teme i odlaženjem od onoga što je tačka dnevnog reda mi danas i na ovoj tački dnevnog reda ne raspravljamo uopšte o onome šta bi trebalo da bude sadržaj i zašto je ova tačka dnevnog reda uopšte delegirana na dnevni red. Pa tako dakle diskutujemo o tome da li je ministar Kapidžić dobar ministar ili nije dobar ministar, da li je dobro radio svoj posao ili nije dobro radio svoj posao. Da li su Ministarstva trebala ostati dva Ministarstva, ili je dobro da li su spojena ili to nije dobro, da li je nova parlamentarna većina se nešto ogriješila o kolegu Nikšića, što zaista su sve potpuno nebitne informacije s obzirom na temu o kojoj mi sada raspravljamo. Ako ćemo ići van teme ja također mogu puno toga govoriti i možemo ući u anamnezu kako je u prethodnih 20 godina u potpunosti urbanistički srozan Kanton Sarajevo. Ja sam dugo bio gradski vijećnik (smetnje) regulacioni planovi. Kako su gradonačelnici i načelnici opština u saradnji bez odluka Gradskog vijeća radili korekcije regulacionih planova i gdje su sve zgrade nicali u Kantonu Sarajevo. Kako su se izuzećima iz zabrane režima građenja radile te iste stvari i kojekakvim pod navodnim znacima govorim stručnim mišljenjima (smetnje). Dakle s jedne strane jasno je da ministar Kapidžić s obzirom da je delegirana tačka pola sata ili na samoj sjednici nije mogao pokrenuti sveobuhvatnu informaciju i dati nam detaljne podatke, ali je isto tako činjenica da je ova Skupština prije mnogo vremena usvojila zaključak da se na svakoj sjednici raspravljamo o ovoj temi s obzirom da je ona jako važna i da se o njoj mora govoriti i onda kada nisu zimski mjeseci jer se i tada mora poboljšanju kvalitetu zraka. I s obzirom na ono što smo čuli u uvodnom izlaganju o pokušajima neke stand up komedije (smetnje) jedna stvar jasna, mi danas nemamo apsolutno nikakvu informaciju o stanju kvaliteta zraka u Kantonu Sarajevo pa čak ni neku kratku informaciju što bi Ministarstvo trebalo znati ukoliko se svakodnevno bavi tim problemima. Zahvaljujem.

Predsjedavajući:

Zahvaljujem kolega Handžiću. Replika gospodin Zahiragić Handžiću.

Poslanik/zastupnik Haris Zahiragić.

Dakle gospodin Handžić je kazao suštinu. Dakle i ja od početka tačke molim da se vratimo u okvir teme da govorimo o tome ako se zaista dobronamjerno delegirali ovu tačku da ne pravimo cirkus. Posebno mi se dojmilo što je gospodin Handžić nabrojao sve probleme koji su se dešavali posljednjih 10 godina. Gospodine Handžiću sada trenutno ste u parlamentarnoj većini sa barem šest, sedam ljudi koji su učestvovali u svemu tome i meni je drago da vi ste spremni o tome govoriti. I ja sam spreman vrlo otvoreno svim regulacionim planovima, ko je kada kako glasao pa neki predstavnici moje stranke, pa neki predstavnici vaše stranke, neki predstavnici sadašnje navodno neke nove snage koja je bila u mojoj stranci deset godina itd. Ako su to teme pozdravljam ovu tačku dnevnog reda hajmo do kraja o njima govoriti. Ja sam na to spreman u svemu. I drago mi je da gospodin Handžić prekinuo ovu besmislenu diskusiju i pozivam vas ako želite u tom smjeru predsjedavajući da idemo u tom smjeru. I da otvorimo sve karte, da građani Kantona Sarajevo konačno imaju priliku da čuju šta se dešava u graditeljskom sektoru. Gospodin Kapidžić je hrabro o tome govorio i zbog toga mu je ugašeno Ministarstvo. Upozorava je na građevinski lobi pa ja ću se usuditi kazati u određenom aspektu na građevinsku mafiju koja Kantona Sarajevo na neki neformalni način Vlada, koja u svakom momentu je u stanju promijeniti političku stranku

određenog zastupnika, koja je u stanju kupiti zastupnika, jer puno para naših javnih ulažu u to koje smo im mi dali. Trebamo govoriti o temama kada neko kupi livadu po jeftinoj cijeni, jer livada kao takva nije skupa a onda narednih godinu dana od te livade se nacрта neki neboder, neki spratovi. I onda se to, ne da se izgradi nego se proda po višoj cijeni. Možemo o tome govoriti to su teme. To je način pljačke javnog dobra i drago mi je da je gospodin Handžić to spomenuo i hajmo o tome govoriti. Hvala.

Predsjedavajući:

zahvaljujem kolega Zahiragiću. Replika Handžić Zahiragiću. Izvolite gospodine dopredsjedavajući.

Dopredsjedavajući Vibor Handžić.

Evo kratka replika. Dakle ja nisam govorio o tome ko je kako glasao na vijećima, jasno sam naveo neke zakonske odredbe iz bivšeg Zakona o prostornom uređenju, kao što su korekcija regulacionih planova, jasno sam rekao da su gradonačelnici sa načelnicima to radili bez odluka na gradskom vijeću koje je tada bilo nadležno za to. Ja sam vrlo spreman da o tome govorim, kadgod to bude tema tačke dnevnog reda Skupštine Kantona Sarajevo. Ali kako sam rekao to danas nije tema. A od onog što je danas tema mi nismo dobili nikakvu informaciju. Zahvaljujem.

Predsjedavajući:

Zahvaljujem se kolegi Handžiću. S obzirom da se niko više ne javlja za riječ zaključujem raspravu.  
**TE KONSTATUJEM DA JE SKUPŠTINA KANTONA SARAJEVO PRIMILA INFORMACIJU K ZNANJU.**

Prelazimo na tačku šest:

**AD – 6.**

**INFORMACIJA O REALIZACIJI ZAKLJUČKA SKUPŠTINE KANTONA SARAJEVO  
BROJ:01-04-39939-8/20 OD 03.11.2020. GODINE**

Molim predstavnika Predlagača da podnese uvodne napomene. Čini mi se profesor Marjanović je delegirao ovu temu i imamo određene ovdje informacije pa evo možda neki uvod da napravi s obzirom da je on delegirao ovu tačku dnevnog reda, ako je s nama.

Poslanik/zastupnik Damir Marjanović:

Zahvaljujem predsjedavajući. Hvala inače kolegama koji su podržali uvođenje ove tačke. Bit ćemo jako kratki. Jednostavno ukazala se potreba da informiramo javnost. Podsjetiti ću sve kolege da smo na sjednici na kojoj smo naveli datum u naslovu ove tačke donijeli odluku da nam UNSA dostavi jasne i precizne liste svih studenata koji su samofinansirajući a koji su ostvarili prosjek preko 8,0 i koji su očistili prethodnu godinu. Zamolili smo ih da bude to detaljna informacija. A onda smo između ostalog instruirali UNSA da do kraja ovog semestra ne ide u naplatu drugog dijela školarina, iz jednog prostog razloga što pokušavamo pronaći način da one studente koji su samofinansirajući, koji su ostvarili ovaj prosjek ipak na neki način ohrabrimo i da im u ovoj godini pronađemo mogućnost da ih država finansira. Posebno one koji su na žalost ove godine izgubili tu mogućnost a trebali su objektivno da je ostvare usljed onih bezuslovnih prelazaka na osnovu određenih izmjena. Elem, samo da informiramo javnost s obzirom da su bila postavljena pitanja. Tek danas smo zvanično na protokolu, mada znam da je UNSA i ranije poslao to, čini mi se da je to 11 ili 12 decembra, koliko imam informaciju od vas, tek danas smo dobili taj dokument i siguran sam da ćemo u narednim danima ga svi zajedno detaljno analizirati, možda čak na nekoj od sljedećih sjednica Skupštine Kantona Sarajevo prodiskutovati i da ćemo siguran sam svi zajedno, kako smo jednoglasno usvojili taj zaključak, donijeti neke od zaključaka koji je omogućiti većini ovih studenata da u ovim teškim uvjetima nastave svoje studiranje. Još jednom ponavljam da studentima koji su pokazali dobro znanje, pokazali svoj prosjek a mi jednostavno pokušavamo da ih zadržimo kao dobre studente na UNSA i da im u ovim teškim vremenima damo određenu potporu. Dakle još

jednom podsjećam, a vi me ispravite ako griješim, u prethodnoj odluci smo, upravo zbog toga, što nam treba i dodatno vrijeme a i da bi imali dovoljno vremena da sve ovo analiziramo, sugerirali, smijem reći naložili UNSA da do kraja ovog semestra ne ide u naplatu sa drugom tranšom školarina. Ovo napominjem zato što smo dobili nezvanične informacije od pojedinih studenata da su dobili zahtjeve od pojedinih fakulteta, ne svih, nego pojedinih fakulteta, da izmire svoje obaveze. Eto to je samo neki uvodni dio. A evo ako imate neku dodatnu informaciju ja bih vas zamolio da je podijelite sa nama. Hvala velika.

Predsjedavajući:

Zahvaljujem se kolegi Marjanoviću. Sve ste u potpunosti kazali, otprilike hronologiju ste poredali kako je išla. 14.12. je uistinu pristigao taj dopis gdje je UNSA dostavio podatke po traženom zaključku Skupštine Kantona Sarajevo tako da evo imamo informaciju, tako da će u narednom periodu ova informacija izanalizirati. Naravno nova Vlada Kantona Sarajevo krenuti u realizaciju ovog zaključka. Zahvaljujem.

Da li predstavnici radnih tijela žele riječ? Ima li pitanja? Diskusija? Kolega Haris Zahiragić. Diskusija. Izvolite.

Poslanik/zastupnik Haris Zahiragić:

Prije svega kada je tema ova vrlo ozbiljna u pitanju, ja sam još kao predsjednik SPUSA imao prilika, sada sam zastupnik, bio član komisije koja je radila i pripremala tekst Zakona o visokom obrazovanju. Tada sam ja kao predstavnik studenata insistirao, čak sam ga izdiktirao zajedno sa kolegama iz Ministarstva, ja mislim da je gospodin Marjanović čak u jednom periodu bio sa nama u toj komisiji, da se on također složio i podržao tu inicijativu da se studenti koji ostvare određeni prosjek prebacuju u redovan studij, a da oni koji su upisani kao redovni a nisu nastavili biti dobri studenti ispadnu dalje. Dobio sam podršku cijele komisije, i Vlade tadašnje koju je vodio gospodin Konaković i zastupnici su usvojili taj Zakon. Taj član Zakona je bio dovoljan da se te stvari po sili Zakona dešavaju. Zaista žalosti me da mi moramo zaključcima Skupštine tražiti informaciju od UNSA da je taj član posljednjih par godina na velikom broju fakulteta, treba biti iskren, na nekom nije, na nekom su se zaista ljudi trudili da poštuju izigran. Ovaj put neću dalje diskutovati o toj temi jer je jasno svima kao dan da mi kao društvo moramo izvrsne finansirati i nagrađivati a one koji su malo manje dobri iz objektivnih ili subjektivnih razloga ne trebaju biti na teretu Kantona Sarajevo. U tom smislu molim i Skupštinu Kantona Sarajevo i buduću Vladu Kantona i resornu ministricu da tu temu riješi sa ministarstvom. Mi imamo zakonski okvir koji to rješava, i jednostavno je potrebno da se počne poštovati Zakon o visokom obrazovanju. Ogroman broj mladih ljudi, svaki dan posljednjih par godina, ne samo u ovom periodu je meni pisalo sa zahtjevima sa molbama argumenti koji nisu bili dovoljno dobri su korišteni da ih se odbije s tim zahtjevima. Ja mislim da bi se sa zakonskim okvirom i eventualno uz donošenje nekog podzakonskog akta koji bi definisao red koraka i tehniku moglo to pitanje vrlo lako riješiti. Mi možemo sada, svako od nas je javiti populistički i reći da, to je u redu, tako to treba, međutim stvari se ne rješavaju. Ja sam prateći Skupštinu, dok nisam bio zastupnik, vidio da se o ovoj temi već godinu dana govori. Nije ovo neka atomska fizija ni fuzija, niti je neka posebna nauka. Potrebno je da ljudi koji su najbolji dobiju status redovnih studenata. I to ne na račun Budžeta, nego na račun onih kojih u imali taj status ali su obnovama godine to izgubili. Hvala vam.

Predsjedavajući:

zahvaljujem kolega Zahiragić. Replika prof Marjanović Zahiragiću.

Poslanik/zastupnik Damir Marjanović.

Ja prosto ponekad mi je žao što imamo ove kao replike, ispravke netačnih navoda jer to nekako malo grubo zvuči. Ja znam da kolega Zahiragić, on i ja se u ovom pitanju jako slažemo u potpunosti, i samo ću sugerirati da ja nisam bio 2017 ne znam kada se pravio taj Zakon i to je jedna od komisija kada je bio premijer gospodin Konaković. Ono što mogu reći jeste da žalosno jeste što upravo ta floskula kako su meni kolege iz njegove struke objasnile “može ostvariti”, znači riječ



“može” se nažalost tumačila najčešće može ali i ne mora. Tako da nisu baš u pravilu kolega Zahiragić i to smo mi prošli put govorili, da nisu svi dekani bili u potpunosti, kako da kažem, neću reći dobronamjerni, reći ću ažurni da takve stvari ostvaruju dobrim studentima koji su upisali kao samofinansirajući. Imam jako dobro i dovoljno iskustvo na određenim drugim univerzitetima kako smo to riješili. I definitivno izmjenama Zakona ćemo i taj koncept izbjeći tu priču “može”, nego ćemo jasno precizirati pa ako bude i trebalo i u okviru Zakona ili podzakonskog akta a kolega Zahiragić je definitivno u pravu. Jedan aktivan zastupnik u Skupštini Kantona Sarajevo sudjelovao u tome a on dobro zna da rado prihvatam dobre prijedloge pa čak možda kao i član komisije, zašto da ne, sudjelovati u tome da taj dio Zakona bude jasan i precizan i da imamo vrlo jasan koncept. Da svi oni koji su nagrađeni u samom startu na osnovu uspjeha u srednjoj školi a od njih se očekuje da je to nagrada i da nastave da ostvaruju te uspjehe na fakultetu, ako ne nastave da ostvaruju te uspjehe onda će jednostavno tu nagradu ustupiti onima koji možda u startu nisu ostvarili ali su zaslužili svojim radom na fakultetu. Tako da tu smo potpuno na istoj talasnoj dužini upravo kada budu izmjene Zakona o visokom obrazovanju taj član i preciziranje tog člana ići će u tom pravcu da ne bi više bilo svojevoljnih tumačenja i da dovedu do ovoga momenta kakvo imamo sada. Zahvaljujem se.

Predsjedavajući:

Zahvaljujem se kolega Marjanović. Također ću replicirati kolegi Zahiragiću kada je u pitanju diskusija na ovu temu. Ono što je važno kazati da ni jedan Zakon nije sveto slovo i svaki Zakon treba mijenjati ukoliko će unaprijediti procese, pogotovo onima koji koriste taj Zakon kako bi se na kraju krajeva olakšava njegova implementacija. Ono što je mene ponukalo 03.11.2020 da podnesem inicijativu Skupštini Kantona Sarajevo a to je izmjena i dopuna ovog člana koji tretira između ostalog ovaj prosjek samofinansirajućih studenata. I ovo što je kolega Marjanović kazao da su pojedini dekani zloupotrebljavali taj član može a i ne mora, ponukalo me da vratimo pravo studentima. I to jedina istina kada je u pitanju ovaj zaključak Skupštine Kantona Sarajevo. Tako da ćemo mi u narednom periodu zajedno sa vladom Kantona Sarajevo i resornim ministarstvom istrajati da vratimo prava studentima koja im sljeduju.

Diskusija uvažena kolegica Bibija Kerla. Izvolite, imate riječ.

Poslanik/zastupnik Bibija Kerla:

S obzirom da izuzetno cijenim kolegu Marjanovića svim srcem podržavam prijedlog za (smetnje) treba samo vidjeti da pandemija COVID 19 traje još uvijek, da treba voditi računa da se ta sredstva uvrste u Budžet Kantona Sarajevo za 2021 godinu jer situacija u Kantonu Sarajevo pa i državi nije nimalo sjajna i upravo zbog toga sve predloženo treba uvrstiti u Budžet da ne bi bilo kakvih nesporazuma. A koliko imamo sredstava da barem obrađujemo jednu populaciju naših stanovnika u Kantonu Sarajevo. I naravno sve to ovjeriti Zakonom o visokom obrazovanju. Hvala lijepo.

Predsjedavajući:

zahvaljujemo se zastupnici Kerli. Evo imamo još jednu repliku prof Marjanović, izvolite.

Poslanik/zastupnik Damir Marjanović:

Predsjedavajući isto kao i prošli put, definitivno nije replika. Zahvaljujem se uvaženoj kolegici Kerli na napominjanju nečega stvarno što imamo obzir. Upravo smo zato tražili, vjerujem da vam je poznato, tražili smo da nam dostave ukupan iznos i da nam dostave liste koliko je to studenata i koliki je prosjek, i definitivno ćemo da vidimo i zajedno sa nekim kolegama studentima pokušavamo da pronađemo najbolji modalitet kako da što većem broju studenata pomognemo a zatražili smo te podatke baš da bi mogli oblikovati naša Budžetska izdvajanja za 2021 godinu. Tako da hvala još jednom na podsjećanju i vjerujte da ćemo to maksimalno ispoštovati.

Predsjedavajući:

zahvaljujemo se zastupniku Marjanoviću. Evo imamo nekoga u grupi tipka, da vidimo da li je. Ništa. Zaključujem raspravu.

## **KONSTATUJEM DA JE SKUPŠTINA KANTONA SARAJEVO PRIMILA OVU INFORMACIJU K ZNANJU.**

Prelazimo na tačku sedam dnevnog reda:

**AD – 7.**

### **ZAKLJUČAK O PRODUŽENJU MORATORIJA NA ZAPOŠLJAVANJE U KANTONU SARAJEVO**

Molim predstavnika Predlagača da podnese uvodne napomene. Uvaženi zastupnik Konaković je predložio ovu tačku dnevnog reda, evo da nam da uvodne.

Poslanik/zastupnik Elmedin Konaković:

zahvaljujem predsjedavajući. Pa dakle evo ovih dana svjedočimo da su naši strahovi bili opravdani kada je riječ o tom masovnom zapošljavanju i da nije bilo moratorija vjerovatno bi se desilo ono što se danas dešava u Sarajevo šumama i u još nekim preduzećima u kojima imamo te zapisnike čak i sa sjednica Vlada ali imamo i raspisane konkurse dakle. Direktori ne poštuju volju svoga osnivača, i oni vjerovatno ne znaju da sami sebi ubrzavaju smjene zato što je jedan od razloga za smjene tih ljudi nepoštivanje politike osnivača. Skupština Kantona je osnivač i Skupština Kantona je donijela odluke koje se tiču kontrole zapošljavanja u javnom sektoru. Da ne bi smo imali probleme u ovih nekoliko dana dodatne a vidim da ćemo imati ukoliko ne produžimo dejstvo ovog moratorija, mi smo danas predložili jedan zaključak koji je potpuno usklađen sa svim onim primjedbama koje smo korigovali na sjednici 17.11. tako da nema bojazni za bilo kakvo paralisanje sistema, upravljačke strukture u v.d. mandatima i dalje se mogu imenovati, i one nužne poslove za koje je Skupština procijenila i dalje mogu biti predmet rada ove Vlade, ali nikako kako to danas u Sarajevo šumama ovaj menadžment. Dakle prijedlog zaključka smo poslali na skupštinski mail, molim ako nije do sada, sekretarku da pošalje svim kolegama zastupnicima. On je jednostavan i glasi ovako:

Zaključak Skupštine KS broj: 01-04-35283-3/20 od 28.09.2020.godine i Zaključak o izmjeni i dopunama Zaključka Skupštine Kantona Sarajevo broj 01-04-45862/20 od 17.11.2020. ostaju na snazi do 29.01.2021.godine.

Imamo informacije i za Tržnice i za još neka preduzeća, da ne bi smo sada ušli u tu međufazu vakuuma između smjena Vlade molim kolege zastupnike da podrže ovaj zaključak kako bi zaustavili taj masovan rast javne potrošnje. Hvala.

Predsjedavajući:

Zahvaljujem se zastupniku Konakoviću. Da li predstavnici radnih tijela žele riječ? Ima li pitanja? Uvažena zastupnica Kerla, izvolite, imate pitanje.

Poslanik/zastupnik Bibija Kerla.

Ja bih pitala možemo li iz ovog prijedloga izuzetno socijalne ustanove jer taj segment našeg društva nije zaslužio da ga kažnjavamo moratorijem na zapošljavanje. A za sve ostalo sam na strani prijedloga i mislim jedino molim ako je moguće da se izostave ove socijalne ustanove iz ovog prijedloga. Hvala lijepo.

Predsjedavajući:

Kolega Konakoviću hoćete li odgovoriti na pitanje zastupnice Kerle?

Poslanik/zastupnik Elmedin Konaković:

Mogu koliko informacija imam. Dakle nemamo tačne informacije generalno šta se u svim ustanovama dešava. Nismo do sada dobijali reakcije tog tipa. Naravno da ćemo i mislim da neće predugo ni trajati dok se malo ne sistematizira ova cijela priča paralelno s donošenjem Budžeta vjerovatno će biti potrebe da se zanove i obnove neki ljudski kapaciteti. Tako da mi ostajemo kod

ovog prijedloga. Ja mislim da do sada u ovoj oblasti, berem koliko mi znamo nije bilo psoebnih problema. Neke iznimke jesu napravljene već. Hvala.

Predsjedavajući:

Zahvaljujem. Kolega Marić ima pitanje.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi, poštovani gledatelji, ja imam nekoliko pitanja s obzirom na osjetljivost problematike koja vlada prevashodno u socijalnim službama molio bih, jer nisam vidio zaista taj prijedlog Zaključa i ne znam da li su izuzeti iz tog moratorija koji je već na snazi 51 dan, i zaista je bilo ovoj Vladi poprilično teško i raditi nisam htio da se uključujem u rasprave koje su se vodile a koje nisu doprinosile ničemu, čini mi se. Imao sam puno toga reći ali istine radi moram da kažem da su neke stvari pripremljene bile međutim zahtijevalo se od Vlade da pripreme privremenu mjeru finansiranja i za JU Službu zapošljavanja, zatim također i za ZZO. Međutim tražili su od Vlade da se pripreme privremen mjere finansiranja kao i za Budžet. Što se tiče ostalog, prije svega kada je riječ o Zavodu za zapošljavanje, ja ne znam u kolikoj mjeri su izuzeti svi ti programi koje provodi ta služba. Vrlo je urgentno i važno da se nastave ti projekti iz prostog razloga što znamo koliko znače. A tu je nekoliko projekata, prije svega sufinansiranje "posao za sve". Dakle to je jedan od onih, onda također zapošljavanje pripravnika itd. Ali ono što je možda gorući problem je čini mi se zapošljavanje u Gerontološkom centru gdje se traže njegovateljice i tu je poprilično dramatično stanje. Bez obzira šta mi mislili o toj ustanovi ali tu se traži niža stručna sprema. Dakle osnovna škola i tamo su njegovateljice koje rade zaista težak i mukotrpan posao ali znamo koliko sada pogotovo s obzirom na činjenicu da ima i 70 zaraženih od korona virusa. I mislim da bi trebalo izuzeti iz svega toga iz moratorija, odnosno tog zaključa upravo ove kategorije jer bojim se ovo može preživjeti do nekog 05.01. ali šta poslije toga? Također evo dok smo raspravljali o ovome javili su se brojni logopedi i mogu kazati njih grupa dvoje njih ispred 17 logopeda koji sa 01.03. ostaje bez produženja jer nemogućnost je bilo kakvog sklapanja. Tu su i također i kulturne institucije, institucije kulture dakle. Koje ne mogu sklapati ni ugovor o djelu niti bilo šta. I bojim se ukoliko se to ne uradi, da ćemo napraviti ogromnu štetu ne samo procesima nego i tim ljudima koji su ipak radili. Zamislite 17 logopeda da će DZ ostati u jednom trenutku bez logopeda i bez stručne pomoći. DZ neće imati način da pružaju djeci sa posebnim potrebama a puna su nam usta kada razgovaramo o tome da toj kategoriji djece treba pomoći na bilo koji način. I sada ih ostavite bez te vrste pomoći. I prema tome, ukoliko ovakve stvari nisu, a mi nemamo ništa protiv da podržimo takvo nešto, vrlo su specifični i ja mislim da bi trebalo voditi računa o tome da se izuzmu iz ovog nastavka moratorija iz prostog razloga što mislim da će nanijeti svojevrstu i nepravdu i toj kategoriji stanovnika odnosno žitelja grada Sarajeva koji traže njihovu pomoć. Bez namjere da polemiziramo to, ali ako je moguće da se korigira taj zaključak ja bih najljubaznije molio da se uvrste takve stvari jer zamislite te njegovateljice koje trebaju zaista pružati usluge u Gerontološkom centru i logopedi za djecu sa posebnim potrebama, itd. I naravno kao što sam rekao ovi programi utoliko prije molim vas da imate u vidu i da barem kroz nekoliko rečenica u zaključku predloženom se uvrsti i ovako nešto. Hvala vam.

Predsjedavajući:

Zahvaljujem kolega Mariću. Vi ste već krenuli dijelom u diskusiju. S obzirom da imamo repliku kolege Konakovića podrazumijeva se da je već diskusija otvorena. Izvolite kolega Konakoviću.

Poslanik/zastupnik Elmedin Konaković:

Ako su bila dijelom pitanja samo da odgovorim kako ne bi smo išli u dalje rasprave jer slažem se apsolutno s kolegom Marićem. Sve je on to dobro predao. Samo da nekoliko novih činjenica naglasim, kolega Mariću u izmjenama Zaključa mi smo rekli na sjednici koja se održala 17.11. da svi postojeći ugovori, svi ljudi koji su u sistemu, ističu ugovori, mogu biti produženi. To smo završili. Također smo rekli da se izuzima Zavod za zapošljavanje i svi procesi Zavoda za zapošljavanje, izuzeti su iz moratorija. Tretirali smo i kolegici Kerli isto tako djelimičan odgovor,

tretirali smo i socijalne ustanove, nekoliko kategorija. Mislim da nema razloga za vaše strahove, to je već popravljeno. Kolegica Jasna Duraković je na prošloj sjednici, na jednoj od prošlih, 17. sublimirala to što ste dobili s terena i mislim da takav moratorij nije zaista sporan, da ne može doći do problema kojih se vi plašite. Evo imate možda da vam na grupu pošaljem detaljno da vidite iščitajte ovaj dio zaključka i izmjene i dopune zaključka. Tako da razumijem vaše opravdano razmišljanje. Ali već smo to preduprijedili prošlim izmjenama. Sada samo ćemo produžiti da to vrijedi još 30 dana. Hvala.

Predsjedavajući:

Zahvaljujem kolega Konaković. Replika Zvonko Marić Konakoviću, izvolite imate riječ.

Poslanik/zastupnik Zvonko Marić:

Zahvaljujem predsjedavajući. Ne znam koliko je replika, ali odgovor je na ovo što je kolega Konaković kazao. Ja se zahvaljujem na ovom pojašnjenju. Ja nisam, i naglasio sam, vidio ovaj zaključak da li je pretrpio bilo kakve promjene. Ali u svakom slučaju drago mi je ukoliko je to tako i razlog više da podržimo ovaj zaključak i zaista hvala na pojašnjenju. Ali ponovo naglašavam da nisam bio u prilici i to sam rekao, da vidim taj zaključak. I pomenuo sam te neke osjetljive kategorije o kojima moramo zaista voditi računa, čak i u vremenu kada su štednje maksimalne itd. I neka vanredna situacija. U svakom slučaju nije redovna ali znamo s čime se suočavamo prema tome hvala lijepo. Bit će mi drago ukoliko je to tako.

Predsjedavajući:

Zahvaljujem se kolega Mariću. Evo samo ću napomenuti da je sekretar Skupštine poslala u Viber grupi, čak i na mail su prosljedili predloženi zaključak kolege Konakovića. A evo i on vam je prosljedio dva koja su donijeta. Sljedeća za repliku uvažena zastupnica Duraković kolegi Mariću. Izvolite. Kolegice Duraković da li nas čujete.

Poslanik/zastupnik Jasna Duraković.

Zahvaljujem. Da li se čujemo sada predsjedavajući. Oprostite ja sam imala nekih tehničkih problema očito, ali evo sada ste me vi odblokirali, tako da mogu da se obratim. Evo prije svega, obzirom da se prvi put javljam pozdravljam srdačno sve kolegice i kolege, i vas i naravno sve one koji prate rad današnje sjednice putem kantonalne TV, dakle evo samo kratka replika na ovo što je rečeno. Samo da repliciram kolegi Mariću. Već vidim da ste, kolega Konaković je dao neki odgovor. Samo ću reći, napomenuti, evo sada je sekretarka poslala tako da možete u cijelosti pročitati ovaj zaključak koji je bio izmijenjen i dopunjen, značajno da smo zaista sveobuhvatno posmatrali ovaj problem koji se desio, tako da sada u potpuno možemo reći da je ovaj zaključak obuhvatio sve ove sporne, pod navodima, institucija, ustanove, pa čak ću se osvrnuti i na ono što ste rekli ustanove kulture. Apsolutno sve je obuhvaćeno. One su izostavljene u ovom procesu. Također spomenuli ste i Gerontološki centar također smo vodili računa o tome da se izostavi iz ovog zaključka sve te ustanove koje imaju stacionarne korisnike. To je naravno napravljeno u konsultaciji sa ministricom Agić. Eto i to da znate. Zaista smo se potrudili da ovo bude u interesu svih nas. Kako i građana Kantona Sarajevo i svih onih koji jesu uposleni u ovim navedenim ustanovama. Evo ako treba još nešto dodati stojim na raspolaganju da vam da dodatno pojašnjenje. Ali mislim da je sada već sve jasno. I dobili ste ponavljam Zaključak još jednom, tu verziju koja je dopunjena, koja na žalost nije bila usvojena zbog onih prolongiranja koje smo imali. Ako imate nekih pitanja stojim na raspolaganju. Mislim da smo s ovim zaista sve riješili. Toliko hvala.

Predsjedavajući:

Zahvaljujem se zastupnice Duraković. Replika zastupnik Zvonko Marić zastupnici Duraković.

Poslanik/zastupnik Zvonko Marić:

Zahvaljujem predsjedavajući. Zaista evo malo sam sada ovo pogledao međutim ugovori o djelu nisu relaksirani. 93 čovjeka u institucijama kulture ne mogu sklopiti ugovor o djelu. Dakle taj segment nije relaksiran. I donekle sam bio definitivno u pravu. I prema tome o tome moramo voditi računa, a osim toga što se tiče upravljačkih struktura, po drugi put v.d. upravitelji u NO i UO, ne mogu biti imenovani i ne znam kako će se taj problem riješiti. To su samo ono što sam ovlaš pogledao par stvari. Evo i kolegica Duraković to me i ponukalo pomenula je baš ugovore o djelu u oblasti institucija kulture. Dakle taj segment ugovora o djelu, jer vi znate igraju se i predstave, i sve se to sklapaju ugovori o djelu, i taj dio ugovori nije relaksiran. Prema tome evo neka pogledaju mislim da sam u potpunosti u pravu. Hvala.

Predsjedavajući.

Zahvaljujem kolega Mariću. Replika Konaković Mariću.

Poslanik/zastupnik Elmedin Konaković:

kolega Mariću evo u prvom dijelu izmjene i dopune Zaključka, u kojem stoji odmah ovo se ne odnosi na odobrenje hitnih prijema, ugovora o radu na određeno vrijeme do tri mjeseca, u skladu sa Uredbom Vlade Kantona Sarajevo kao materijalu, a navedene je moguće produžiti ugovore o čemu će Vlada Kantona Sarajevo informisati Skupštinu Kantona Sarajevo. Također smo i za upravljačke strukture napravili iznimke tako da ja mislim da evo. A čak u članu 2. izuzimaju se odgojno obrazovne, visokoškolske, naučno istraživačke u okviru visoko školskih, ustanove kulture, zdravstveni radnici itd. Dakle u dva člana imate riješen taj problem kulture, sjećam se da je kolegica Duraković baš na tome insistirala i riješili smo to. Kao i upravljačke strukture jer već je. Evo da vidite dnevne redove Vlade. Oni bez da se iko buni, u nekoliko su ustanova, preduzeća produžili v.d. mandate u skladu sa propisima.

Predsjedavajući:

Zahvaljujem se kolega Konakoviću. Uvaženi zastupnik Zvonko Marić da li imate diskusiju, repliku ili? Replika.

Poslanik/zastupnik Zvonko Marić.

Dakle raduje me ako je to tako a očigledno do ovih nesporazuma ili nerazumijevanja došlo je zbog ovog zemljotresa koji se desio u međuvremenu dok smo mi raspravljali o ovoj temi. Ali drago mi je da je to rečeno i zbog stenograma i zbog svega, i s obzirom da su radnici iz oblasti kulture dolazili i na neki način se žalili i rukovodioci tih ustanova, ja sam smatrao za potrebnim da bi bilo vrlo korektno i fer da pitamo i da to pojašnjenje i dobijemo i naravno i da se to ovako na jedan transparentan način kaže da ne bi kasnije bilo kakvih nesporazuma. Dakle OK. Prihvatam i u redu je i možda su ovi nesporazumi bili su posljedica ovog zemljotresa koji se maloprije desio. Hvala vam.

Predsjedavajući:

Zahvaljujem se kolegi Mariću. Zaključujem raspravu.

Pročitat ću prije izjašnjavanja Zaključak koji je dostavio kolega Konaković.

Prijedlog Zaključka Skupštine Kantona Sarajevo broj 01-04-35283-3/20 od 28.09.2020.godine i Zaključak o izmjeni i dopunama Zaključka Skupštine Kantona Sarajevo broj 01-04-45862/20 od 17.11.2020. ostaju na snazi do 29.01.2021.godine.

**MOLIM ZASTUPNIKE DA PRISTUPE IZJAŠNJAVANJU O ZAKLJUČAK O PRODUŽENJU MORATORIJA NA ZAPOŠLJAVANJE U KANTONU SARAJEVO.**

**ZAKLJUČUJEM GLASANJE.**

**ZA JE GLASALO 23 ZASTUPNIKA, PROTIV NIKO I SUZDRŽANIH 6.**

**KONSTATUJEM DA JE SKUPŠTINA DONIJELA OVAJ ZAKLJUČAK.**

Imamo poslovničku intervenciju zastupnik Marjanović. Izvolite imate riječ.

Poslanik/zastupnik Damir Marjanović.

Uvaženi predsjedavajući nadam se da mi vi i kolege nećete zamjeriti ovo je bilo jedino što mi je palo trenutno na pamet da mogu da iskoristim kao kantonalni zastupnik nije vezano za dnevni red, i prihvatiti ću svaku opomenu i sankciju ali evo dobili smo informaciju između ostalog da veliki broj migranata koji dolaze iz USK da se vraćaju autobusima prema Kanton Sarajevo. Samo bih zamolio da Kantonalno Ministarstvo unutrašnjih poslova obrati pažnju na to i da provjeri koliko se sjećam, evo zahvalit ću kolegici Bilteni ona me je podsjetila, imali smo donešene zaključke Skupštine Kantona Sarajevo vezano za to. Još jednom se izvinjavam što sam prekršio Poslovnik ali nekako mislim da je bilo bitno da se ovo spomene. I kao što rekoh očekujem kantonalno Ministarstvo da poduzme sve aktivnosti vezano za odluke Skupštine Kantona Sarajevo vezano za ovu temu.

Predsjedavajući.

Zahvaljujem se kolega Mariću. Nisam htio, odnosno profesore Marjanoviću nisam htio da vas prekidam. Neka ste razmijenili informaciju sa javnošću. Međutim ne možemo diskutovati o ovoj tački dnevnog reda o ovoj informaciji s obzirom da smo iscrpili današnji dnevni red. A evo predlažem da ukoliko ima potrebe zakažemo novu hitnu sjednicu i pošaljemo zahtjev prema Kolegiju Skupštine Kantona Sarajevo za zakazivanje nove hitne sjednice na temu Sigurnosna situacija u Kantonu Sarajevo.

Imamo poslovničku intervenciju od uvaženog zastupnika Marića izvolite, imate riječ.

Poslanik/zastupnik Zvonko Marić.

Zahvaljujem predsjedavajući. Javio sam se i prije ali dobro dešavaju se tako stvari. Mislim da mi ne bi trebali da robujemo Poslovniku kada se ovakve stvari dešavaju upravo na fonu ovoga što je kolega Marjanović rekao. Jer ako ide preko 500 migranata prema Sarajevu mi ne znamo u čijoj organizaciji i sigurno će biti uznemireno stanovništvo ili mediji. Dakle javljaju. U potpunosti se slažem ukoliko treba. Evo kolega Konaković piše u grupi da bi možda trebalo održati vanredni Kolegij ali mi moramo imati neki stav. Ovo je hitna sjednica. Prema tome mi moramo znati u čijoj organizaciji, da li građani znaju, oni uzvikuju kako mediji prenose "Italija, Italija" i neko ih protiv njihove volje želi usmjeriti prema Sarajevu i dodatno zakomplicirati uoči Nove Godine situaciju i sigurnosnu i svaku drugu. Prema tome ako je to hajmo Kolegij onda održati vanredni. Ali ne možemo završiti ovu sjednicu a da odemo bez bilo kakvog stava s obzirom da se radi o ovom užarenom pitanju. To je svojevrsna tempirana bomba i mi to ne smijemo dopustiti.

Predsjedavajući.

Zahvaljujem kolega Mariću. Također poslovnička, zastupnica Kerla.

Poslanik/zastupnik Bibija Kerla.

Pa sve ono što sam ja mislila reći rekao je gospodin Marić. Mislim da bi podhitno trebali održati Kolegij a nakon kolega održati novu hitnu sjednicu ukoliko smatrate da kršimo pravilnik Skupštine Kantona Sarajevo s time da uvrstimo ovu tačku dnevnog reda na ovoj. Ali se ja pitam zar postoji nešto bitnije osim brige o stanovnicima Kantona Sarajevo pa da sada prekidamo i da pravimo novu sjednicu. Možemo mi nastaviti ovu sjednicu sa jednom dopunskom tačkom dnevnog reda. Hvala lijepa.

Predsjedavajući:

zahvaljujem kolegice Kerla. Poslovnička intervencija zastupnik Konaković.

Poslanik/zastupnik Elmedin Konaković.

Najbitnija stvar za jedno društvo treba biti red u kom se to društvo kreće i živi. Jako bitna stvar je poštivanje propisa koje smo mi kao zakonodavni organ donijeli ako mi ne poštujemo svoje propise kreiramo potencijalno pravnu anarhiju. Briga je sasvim opravdana i predložio sam hitni Kolegij u okviru kojeg možemo razmotriti održavanje jedne, dvije, tri, 50 hitnih sjednica. Zloupotreba Poslovnika, ustava, statuta, i drugih akata koji regulišu kako se ponaša neko tijelo, nije nikakvo

rješenje. Dakle možemo odmah na hitnom Kolegiju razmotriti šta bi to bio materijal za hitnu sjednicu, ko bi nas o tome mogao informisati. Koliko su provjerene i tačne ove informacije. Da li zaista idu prema Kanton Sarajevo migranti, da li je upoznat MUP Kantona Sarajevo, ima li koordinaciju sa višim nivoima vlasti? Da li ima nešto što napokon ministar Cikotić može reći konkretno o migrantskoj krizi. Sve su to teme kojima se možemo baviti. Ali ako na sjednici koja traje sa usvojenim dnevnim redom počnemo utrpavati tačke kakve god one bile, ne doprinosimo rješenju. Dakle vrlo obazrivo, pametno odgovorno se moramo ponašati. Predsjedavajući molim vas ako možete da sazovete sjednicu Kolegija za 13 sati odmah na kojoj možemo dobiti potrebne informacije. Ali bi toj sjednici Kolegija trebao prisustvovati i ministar MUP-a, trebao bi prisustvovati komesar, premijer, odgovorne osobe. Da li su oni to u stanju, jesu li ljudi tu? Zato treba barem pola sata nekih konsultacija. 13, 14, možda 15 sati da nam kažete koji bi to mogao biti hodogram i koji su to ljudi. Na ovoj sjednici je to kršenje propisa koje sami donosimo.

Predsjedavajući:

zahvaljujem kolega Konakoviću. Poslovnička intervencija Vibor Handžić.

Dopredsjedavajući Vibor Handžić:

Zahvaljujem predsjedavajući. Dakle koristim poslovničku jer je to jedina opcija kao i druge kolege, zaista trenutno ovdje sada gubimo vrijeme. A ne vidim ništa sporno u nečemu što se svi slažemo dakle mi možemo u kratkom vremenskom roku ispoštovati i naš Poslovnik i kako nam on nalaže o radu i načinu održavanja sjednica. I vi ste već rekli da nikakav nije problem da odmah sazove hitni Kolegij i razmotrimo sve mogućnosti uključujući i to da možemo odmah danas održati ovu hitnu sjednicu. Tako da bojim se da bespotrebno gubimo vrijeme na ove peripetije da li u okviru ove sjednice, sljedeće. Predlažem da postupite onako kako ste vi rekli, da sazovete hitni kolegi i da se tamo dogovorimo koji su naši dalji koraci. Naravno na tom Kolegiju ćemo se dotaći i brinuti o ovoj temi oko koje se svi slažemo. Zahvaljujem.

Predsjedavajući.

Hvala kolega Handžić. Evo imamo još poslovničku intervenciju zastupnika Zvonke Marića.

Poslanik/zastupnik Zvonko Marić.

Zahvaljujem predsjedavajući. Vrlo kratko evo sada sam provjerio i ovo je neka informacija zbog građana da znaju da se ipak poduzimaju neke mjere. Premijer Nenadić mi je rekao da je kontaktirao sa ministrom unutarnjih poslova gospodinom Juskom i tražio je informaciju. Tako da će to doprinijeti i Kolegiju koji ćemo pretpostavljam održati jer smo već dobili aplikaciju. Ali moramo reći neki stav, neke upute građanima kako da se ponašaju ali da čujemo ovo što je zatraženo da se pojavi i ministar Jusko da nam kaže šta su oni poduzeli, ko šalje te ljude, i da nam građani znaju kako da se ponašaju. Ovo nije baš trebalo u ovom trenutku i nezgodan je trenutak i mi smo dužni i obavezni prema građanima da ne robujemo Poslovniku već naprosto tako se stvari odvijaju i mislim da je ovo izvanredna situacija i ja predlažem da odmah pristupimo održavanju sjednice Kolegija. Hvala vam puno.

Predsjedavajući.

Zahvaljujem se kolegi Mariću. Kao što sam kazao ne možemo raspravljati ni o kakvoj temi na ovoj sjednici. Iscrpili smo današnji dnevni red. A evo pristup ćemo sazivanju hitne sjednice Kolegija. I bit ćete vrlo bitno obaviješteni o tome.

Konstatujem da je dnevni red 14. Hitne sjednice iscrpljen, zahvaljujem svim prisutnim i zaključujem rad na sjednici.

Također koristim priliku da svim građanima kantona Sarajevo i bih poželim sretne novogodišnje praznike, da ih dočekate u zdravlju, sreći i blagostanju sa svojim porodicama.